

PRIVREDNA / GOSPODARSKA KOMORA
FEDERACIJE BOSNE I HERCEGOVINE

Glasnik

Broj 145,146 oktobar/listopad - novembar/studeni 2015. Godina XV

ISSN 1840-0310

home page | T. 387 33 566 300 kontakt informacije | English

Privredna / Gospodarska Komora Federacije Bosne i Hercegovine
Chamber of Economy of the Federation of Bosnia and Herzegovine

Prijava za članove P/GK
Unesite korisničko ime Unesite šifru
Zaboravili ste korisničko ime ili šifru za prijavu?
[?] Za slobodan kretanjem u Kinost?

O NAMA REGISTRI SEKTORI I CENTRI PUBLIKACIJE KOMORSKA MREŽA BUĐITE DIO KFBiH

ŠTITIMO VAŠE INTERESE PRED DRŽAVOM

Koliko god smo u mogućnosti kroz različite forme partnerstva, savjetovanja, komunikacije na svim nivoima i slično nastojimo zaštititi interese privrednika pred državom BiH

December 2015

PON	UTO	SRI	ČET	PET	SUB	NED
1	2	3	4	5	6	
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

Legenda ●●●●●

ČLANICE P/GK KOMORE FBiH
Članstvo u P/GK FBiH nije obavezno, ipak, značajan broj velikih, srednjih i malih preduzeća pripisuje je vrijednost naše organizacije. [Saznajte šta dobijete članstvom!](#)


Presal Extrusion HIFA TEŠANJ BH POŠTA

POTVRDE, UVJERENJA, DETALJANI... PUTEVI PREMA EU TRAŽITE PARTNERA / POZIV NA SAJAM PREZENTIRAJTE PONUDU

Privrednici usvojili deklaraciju o slobodnom kretanju ljudi i prometu robe između Bosne i Hercegovine i Kosova

*Održan okrugli sto na temu:
“Javne ovlasti u komorskom sistemu Bosne i Hercegovine s osvrtom na komore u zemljama okruženja”*





**PRIVREDNA/GOSPODARSKA KOMORA
FEDERACIJE BOSNE I HERCEGOVINE**

CHAMBER OF ECONOMY OF THE FEDERATION OF BOSNIA AND HERZEGOVINA

I M P R E S U M

Glasnik
Privredne/Gospodarske komore
Federacije Bosne i Hercegovine
Godina XV
oktobar/listopad-novembar/studeni 2015.

GLASNIK uređuje
Redakcijski kolegij:
Enisa Kadić,
Ahmed Gazija,
Almin Mališević,
Amela Kečo,
Emir Pašić,
Lejla Sadiković,
Meliha Velić,
Željana Bevanda,
Frano Čuvalo,
Ivica Barbarić,
Karolina Marušić

Adresa:
Privredna/Gospodarska komora FBiH
za Glasnik –
Branislava Đurđeva 10/IV
71000 Sarajevo
Kontakt: glasnik@kfbih.com
Telefoni: 033 566 300, 217 782
Fax: 033 217 783
www.kfbih.com

Priprema i izdaje:
Privredna/Gospodarska komora FBiH

Cijenjeni privrednici i poslovni partneri,

period oktobar-novembar su obilježile brojne aktivnosti u Privrednoj /gospodarskoj komori F BiH, koje vam prezentiramo u dvobroj izdanju e-Glasnik-a, koji je pred vama.

Od brojnih aktivnosti za Vas u uvodniku izdvajamo : Privredna/Gospodarska komora F BiH je bila suorganizator sastanka privrednika Bosne i Hercegovine i Kosova, na kojem je potpisana Deklaracija o slobodnom kretanju ljudi i prometu roba između BiH i Kosova.

Donosimo vam i dio sajamskih aktivnosti Komore sa nedavno održanog sajma "Dani jabuke" u Goraždu i 22. generalnog sajma ZEPS Zenica

Od aktivnosti strukovnih asocijacija organiziranih pri P/ GKFBiH izdvajamo :

Formirano Udruženje poljoprivrede, prehrambene i duhanske industrije (PPDI).

Održana godišnja (izborna) Skupština Udruženja prometnika naftnih derivata (UPND).

U ovom broju donosimo vam i detalje sa održanih prezentacija kreditne linije Federalnog ministarstva energije, rudarstva i industrije u organizaciji P/G K FBiH, Union banke i agencije "TEC".

"Javne ovlasti u komorskom sistemu Bosne i Hercegovine s osvrtnom na komore u zemljama okruženja" je tema okruglog stola čiji je domaćin Privredna/Gospodarska komora F BiH.

Prezentiramo vam detalje sa održanog Poslovnog foruma na temu "Razvoj privredne infrastrukture" u prekograničnom području BiH, Crne Gore, Hrvatske i Srbije .

Iz rubrike Teme izdvajamo :

Osvrt na Svjetski dan klimatskih promjena, te informacije sa simpozija "Energetski efikasna sanacija i gradnja u zgradama" i 2.međunarodnog sajma i konferencije o obnovljivim izvorima energije i energetske efikasnosti RENEXPO®BiH.

Tema rubrike Evropska unija u ovom broju je : "Službeni list EU".

Na stranicama koje slijede dajemo i druge interesantne sadržaje.

Hvala vam na ukazanom povjerenju i saradnji.

Privrednici usvojili Deklaraciju o slobodnom kretanju ljudi i prometu robe između Bosne i Hercegovine i Kosova

Predstavnici najvećih kompanija Kosova i Bosne i Hercegovine zahtijevaju ukidanje viza i punu slobodu kretanja ljudi i prometa robe. To je ključna poruka sastanka koji je održan u Gazi Husrev-begovoj biblioteci u Sarajevu. Ova poruka, kroz regionalnu Inicijativu za otvorene razgovore (Open Talks Initiative) biće upućena vlastima u Sarajevu i Prištini, državama regiona i međunarodnim organizacijama. Privrednici su usvojili i Deklaraciju kojom u tri tačke definišu zahjeve i dalje korake koje će preduzimati u okviru regionalne Inicijative za otvorene razgovore kroz koju će zajednički nastupati prema Vladama, lokalnim i međunarodnim institucijama.



Na sastanku održanom 28.10.2015. u Sarajevu je bilo riječi o problemima sa kojima se privreda i građani svakodnevno suočavaju zbog viznog režima koji je BiH za građane Kosova uvela 2008. godine, a Kosovo je recipročne mjere uvelo januara 2014. Privrednici su istakli da trpe ogromnu štetu koja je pre svega na strani Bosne i Hercegovine. Naime, među zemljama potpisnicama CEFTA sporazuma Kosovo i Albanija jedine su sa kojima se ostvaruje vanjskotrgovinski suficit. Zbog viznog režima, privreda BiH svakog meseca izgubi milion eura, a u prošloj godini suficit je pao za 35%, rečeno je na sastanku. Među kompanijama koje su učestvovala bili su Bosnalijek, Energoinvest, Bimal, Hifa Oil i mnoga mala i srednja preduzeća koja imaju interes za saradnju sa Kosovom. Privrednici BiH imali su rijetku priliku da sretnu direktore najvećih kosovskih kompanija među kojima su bili Elkos, Meridian, Delfin LTD i Alba Qeramika.

Pomoćnik ministra vanjskih poslova BiH Zoran Perković učesnicima sastanka kazao je da je bilo inicijativa za liberalizaciju viznog režima, ali da do toga nije došlo zbog unutarnjih problema u BiH, a ne zbog bilo kakvih pritiska iz drugih zemalja. Perković je kazao da Srbija nikada

nije od BiH tražila da zadrži restriktivni vizni režim, te da je i Srbija omogućila građanima i privredi punu slobodu kretanja i trgovine. On smatra da bi uskoro bilo moguće da se pojednostavi procedura, jer prema postojećoj, svaku pojedinačnu vizu odobrava isključivo ministar vanjskih poslova.

Glavni i odgovorni urednik lista Koha Ditore, Agron Bajrami istakao je da ovakav vizni režim ne primjenjuje nijedna od zemalja koje nisu priznale Kosovo, a postavio je i pitanje da li bi dolazak Kosova na bijelu šengensku listu, očekivan za slijedeću godinu, značio i ukidanje viza za građane Kosova.

Pomoćnik ministra vanjskih poslova BiH Zoran Perković kazao je da je BiH preuzela obavezu da svoj vizni režim usklađuje sa onim koji primjenjuju zemlje Evropske unije. Privrednici sa obje strane poručili su da jednostavnije izdavanja viza ipak nije rješenje, a Avni Krasnići, direktor kompanije Delfin LTD koja iz BiH uvozi mlijeko i druge prehrambene proizvode, naglasio je da na Kosovu ima interesa, ali da je uz vizni režim ipak lakše uvoziti iz Srbije, Albanije i drugih zemalja regiona.

Sastanak privrednika Bosne i Hercegovine i Kosova bio je





i prilika za razmatranje uloga privrednih komora i drugih poslovnih asocijacija od kojih privrednici očekuju da i u pitanju slobode trgovine zastupaju njihove interese. Potpredsjednik privredne komore Federacije Bosne i Hercegovine, Mirsad Jašarspahić poručio je da su ekonomski pokazatelji pada izvoza BiH na Kosovo takvi da nema mjesta politici, već da je potrebno odlučno i brzo djelovanje. On je upozorio da bi već u narednih nekoliko mjeseci gotovo svi proizvodi iz BiH koji se plasiraju na Kosovo, mogli biti zamijenjeni proizvodima iz Srbije i drugih zemalja regiona koje ostvaruju stalni rast izvoza na Kosovo. Privrednici su pozdravili i prijedlog da Inicijativa za otvorene razgovore bude kanal kroz koji će

njihovi stavovi biti predstavljeni donosiocima političkih odluka.

Sastanak privrednika Bosne i Hercegovine i Kosova zajednički su organizirali Fondacija Dokukino, Privredna komora Federacije BiH i Američka privredna komora na Kosovu zajedno sa Američkom privrednom komorom u BiH.

P/GKFBiH



PRIVREDNA/GOSPODARSKA KOMORA
FEDERACIJE BOSNE I HERCEGOVINE
CHAMBER OF ECONOMY OF THE FEDERATION OF BOSNIA AND HERZEGOVINA



Održane prezentacije kreditne linije u organizaciji Privredne/Gospodarske komore FBiH, Union banke d.d. Sarajevo i agencije "TEC"

Privredna/Gospodarska Komora Federacije BiH, u suradnji sa Agencijom TEC d.o.o. Sarajevo, organizirala je prezentaciju kreditnih linija Federalnog ministarstva industrije, energije i rudarstva iz Javnog poziva za kandidovanje programa utroška sredstava Trajnog revolving fonda kod Union banke d.d. Sarajevo, FMERI za dugoročno finansiranje projekata putem dodjele kredita za 2015. koji se realizira u suradnji ministarstva i UNION banke d.d. Sarajevo, a prema Programu utroška sredstava.

Zakonodavni okvir provedbe Programa su: Odluka o davanju saglasnosti Federalnom ministarstvu energije, rudarstva i industrije za uspostavu Trajnog revolving fonda kod Union banke d.d. Sarajevo za dugoroč-

no finansiranje projekata putem dodjele kredita – Trajni revolving fond („Službene novine Federacije Bosne i Hercegovine“ br. 27/14, 91/14, 106/14 i 3/15), Budžet Federacije Bosne i Hercegovine za 2015. godinu („Služ-

bene novine Federacije Bosne i Hercegovine“, broj 25/15) i Zakon o izvršavanju Budžeta Federacije Bosne i Hercegovine za 2015. godinu („Službene novine Federacije Bosne i Hercegovine“, broj 25/15).

Kako je predviđeno Programom sredstva su namijenjena za pozajmljivanje sektorima industrijske proizvodnje i to: Metalna, elektro i automobilska industrija, Građevinska industrija i industrija građevinskog materijala, Drvna, papirna i grafička industrija, Proizvodnja tekstila, odjeće, kože i obuće, Hemijska i farmaceutska industrija i industrija gume i plastike i Namjenska industrija

Pozajmljivanje sredstava vrši se u cilju: značajnog poboljšanja i modernizacije proizvodnje postojećih proizvoda, proizvodnih procesa koji daju proizvode s većom dodatnom vrijednosti, širenja postojeće proizvodnje i izgradnju novih proizvodnih kapaciteta, izgradnje proizvodnih objekata koji podrazumijeva ulaganje u nove ili rekonstrukciju, adaptaciju i dogradnju postojećih objekata i postrojenja, te kupovinu novih proizvodnih hala, sa pripadajućom infrastrukturom i opremom ili bez nje, a koje su usko vezane uz proizvodnju, nabavke novih tehnologija (mašina, postrojenja i opreme za proizvodnju, mjernih i kontrolnih uređaja i instrumenta), nabavke industrijskog znanja (know-how), posebnih znanja i vještina, kao i nabavke informatičke opreme usmjerene ka proizvodnji, uvođenja validnog CE znaka, uvođenja Sistema kvaliteta u skladu sa standardima (serija ISO standarda, sistemima upravljanja zaštitom zdravlja i bezbjednošću na radu, potrebnih licenci za obavljanje proizvodne djelatnosti i sl.), pokretanja značajnijih aktivnosti zasnovanih na promjenama sveukupnih proizvodnih procesa i stanja postojeće poslovne djelatnosti društva (reinjering) i ulaganja u razvoj i istraživanje novih proizvoda i materijala, kao i istraživanja tržišta i marketinga.

Izračunom kreditnog rejtinga Agencije TEC, na temelju zvaničnih finansijskih izvještaja i djelatnosti prema bon. ba bazi privrednih subjekata, određeni broj privrednih društava (cca 380 iz oblasti predviđenih kreditnim programom) su ocijenjeni kao potencijalni korisnici povoljnih kreditnih sredstava iz navedenog javnog poziva.



Kao i kod svih drugih kreditnih linija, tako i kod ove, privrednici će osim aplikacije koju će popuniti morati ispuniti i 20 postavljenih uslova kako bi im sredstva bila odobrena.

Prezentacije ove kreditne linije održane su u Mostaru 28.09., Sarajevu dana 30.09., u prostorijama Privredne/Gospodarske komore F BiH.

Treća prezentacija je održana u Vitezu 05.10. u prostorijama privrednog društva Ekonomik, dok je prezentacija u Tešnju održana 07.10.2015.godine, u prostorijama poslovnog kompleksa Ukus- Industrijska zona Bukva.

Prezentaciju ove kreditne linije ispred Union banke je prezentirao gosp. Edin Bečirović direktor sektora za rad sa pravnim licima, a ispred agencije TEC direktor Jasmin Baralija.

Na prezentacijama je učestvovalo cca 150 privrednih društava koji izračunom kreditnog rejtinga, mogu aplicirati na ovu kreditnu liniju.



Diskusije prisutnih bile izuzetno kvalitetne, te je u značajnoj mjeri ostvaren cilj ovih prezentacija, a to je da se raspoloživa kreditna linija na određeni način približi potencijalnim nosiocima kredita, da se upoznaju sa uvjetima za apliciranje na kreditnu liniju, te u neposrednom dijalogu sa licima koje su vršile prezentaciju otklone i druge dileme po predmetnom pitanju.



Prema riječima Jasmina Baralije direktora Agencije TEC koji je prezentirao BON.BA bazu, u kojoj su selektovane firme koje mogu da zadovolje uslove postavljene za ovu kreditnu liniju, "...osnovna ideja prezentacija jeste da firme koje mogu da apliciraju na ova sredstva, znaju za to i da budu upoznate s uslovima“.

Kako je cjelokupno poslovno okruženje opterećeno brojnim problemima, razgovor sa privrednicima u okviru održanih prezentacija je relaksirao pitanje kreditnih zaduženja, te ohrabrio privrednike koji imaju optimalan kreditni rejting za apliciranje .

U organizaciji ovih prezentacija Privredna/Gospodarska komora F BiH je nastojala da naše partnere Federalno ministarstvo energije rudarstva i industrije, Union banku i agenciju TEC, posebno njihove usluge, kod privrednika dodatno promovira što je naša obaveza.



AGENCIJA TEC

Agencija TEC, Društvo za finansijsko-poslovni konsalting i usluge d.o.o. razvija alate namijenjene analizi finansijskih tržišta pod brendovima StockEX i bon.ba baza privrednih subjekata u Bosni i Hercegovini.

Bon.ba baza je najveća funkcionalna baza podataka o kompanijama u BiH koja sadrži informacije o dioničarskim društvima od 2002 g. i o društvima sa ograničenom odgovornošću od 2009 g. Baza sadrži kvalitetne i lako dostupne informacije, koje se dobijaju iz šest relevantnih izvora (AFIP Sarajevo; APIF Banja Luka; Uprava za indirektno oporezivanje; Centralna banka BiH; Registar pravosuđa i Akta.ba).

Bon.ba baza sadrži slijedeće informacije: naziv firme, oblik i vrstu djelatnosti, adresu, ocjenu rejtinga, vlasničku strukturu, ID broj, novčane tokove, skraćeni bilans stanja i uspjeha, finansijski pokazatelji, istorijati transakcijskih računa, novčane tokove, vlasničke strukture, sektorske analize, pregled vijesti i tendera, monitoring promjena, povezana lica, višestruko poređenje. Na osnovu ovih podataka možemo kreirati izvještaje i analize potrebne za definisanje stvarnih problema i nalaženje kvalitetnih i realnih rješenja za unapređivanje privrede u BiH. Prije četiri godine za agencije AFIP i FIP agencija TEC je pripremila program za predaju finansijskih izvještaja u elektronskom formatu koji je zaključno sa ovom godinom postao standard, tako da u FBiH gotovo 80% kompanija koristi program TEC-a za izradu finansijskih izvještaja.

Kao domaća kompanija, agencija TEC je posvećena uspostavi boljeg poslovnog okruženja u BiH i regiji, čime dajemo svoj doprinos boljem funkcioniranju segmenata privrede kao ključnog elementa razvoja našeg društva.

Amela Kečo

Održan poslovni forum na temu „Razvoj privredne infrastrukture“ u prekograničnom području BiH, Crne Gore, Hrvatske i Srbije

Privredna/Gospodarska komora Federacije BiH, u saradnji sa Regionalnim centrom za strateška planiranja i investicije „Geoprojekt“ d.o.o. Sarajevo, dana 04.11.2015. godine održala je Poslovni forum na temu „Razvoj privredne infrastrukture“ u prekograničnom području BiH, Crne Gore, Hrvatske i Srbije.



U okviru Foruma, pored ostalih, imali su izlaganja predsjednik i potpredsjednik P/G K F BiH. Predsjednik Mirsad Jašarspahić u svom izlaganju obradio je temu razvoja privredne infrastrukture, kroz proces regionalne saradnje kao bitan fokus rada P/G K F BiH. Potpredsjednik P/G K F BiH dr.sc. Marko Šantić, koji je ujedno i član Upravnog odbora Foruma gospodarskih komora Jadransko-jonske inicijative, osvrnuo se na djelokrug i fokus rada Upravnog odbora.

Direktor RCSPI „Geoprojekt“ d.o.o. Sarajevo Šaćir Šošević, u svom izlaganju, podvukao je realnu mogućnost Kantona Sarajevo, Bosansko-podrinjskog kantona Goražde, Romanijskog i Hercegovačkog regiona Republike Srpske, Zlatiborskog okruga, Hercegovačko-neretvanskog kantona, Dubrovačko-neretvanske županije te regiona i opština Crne Gore, da definišu područje stalne regionalne saradnje, u okviru Jadransko-jonske euroregije. Na taj način bi stvorili uslove za značajnije korištenje prirodnih i radom stvorenih resursa, uz odgovarajuću finansijsku i drugu podršku Evropske Komisije, odnosno fondova namjenjenih u svrhu razvoja i jačanja regionalne saradnje povezivanja u sistem euroregija. Dalje je nagla-

sio da je RCSPI „Geoprojekt“ d.o.o. Sarajevo, u saradnji sa gradonačelnikom Grada Sarajeva, pripremio Prijedlog konvencije o razvoju gradova i privredne infrastrukture Jadransko-jonske makroregije, koju su već podržali neki od potencijalnih potpisnika konvencije. Obrazložio je koji su motivi i ciljevi Prijedloga konvencije, te da bi istu trebali potpisati „Geoprojekt“ d.o.o. Sarajevo, Grad Sarajevo, Grad Sofija, Međunarodni centar za javna preduzeća Ljubljana i Privredna/Gospodarska komora Federacije BiH.

Branimir Jukić je izlagao o Strategiji razvoja Jadransko-jonske euroregije. Dr. Jasmin Bučo iz JP Autoceste F BiH osvrnuo se na razvoj saobraćajne infrastrukture kroz strateške ciljeve na Koridoru Vc i mreži magistralnih puteva, te strateškim projektima u funkciji ostvarivanja ciljeva. Doc.dr. Smajo Salketić ispred „Saraj-inženjering“ d.o.o. je kroz prezentaciju kompanije dao osvrt na projekte u kojima je učestvovala iz oblasti gasovoda, hidrotehničkih objekata i zaštite okoliša, te projektovanja željeznica. Romana Mršo iz Elektroprenosa BiH prezentirala je energetske infrastrukture i aktuelne projekte iz ugla Elektroprenosa. Razvoj gasne infrastrukture kroz ra-



zvoj sektora prirodnog gasa u okviru evropske i regionalne energetske politike obradio je Mirza Sendijarević direktor BiH Gasa, a prezentirala je gđa Ninković Nadžida. Sekretar Federalnog ministarstva razvoja, poduzetništva i obrta, mr.sc. Jozo Bejić, izlagao je o podizanju konkurentnosti male privrede kroz razvoj poslovnih zona. Kroz ovu temu osvrnuo se na uslove koji bi trebali biti vodilja kod otvaranja poslovnih zona, odnosno koja pitanja interesuju potencijalne investitore. Naglasio je da se ti uslovi odnose na dostupnost zemljišta ili zgrada, iznos novca koji se treba izdvojiti za kupovinu ili najm zemljišta, kvalitet i kapaciteti infrastrukture (struja, voda, plin, kanalizacija, telefon, širokopoljasni internet), troškovi infrastrukture, kvalitet, dostupnost i troškovi cestovnog

i željezničkog prometa, komercijalni zračni prijevoz te faktor blizine autoputa i zračne luke, kao i vrijeme trajanja avionskog leta do najvažnijih evropskih gradova. O razvoju infrastrukture u prostornim planovima iz Zavoda za planiranje razvoja Kantona Sarajevo izlagao je Hajrudin Omerbegović. Naveo je neke od uzroka problema u funkcioniranju saobraćaja. Na kraju je zaključio da je potrebno i nužno u punom kapacitetu animirati struku i nauku na svim nivoima na kojima se diskutuju, studiraju, elaboriraju planiraju, projektuju i realiziraju planska rješenja iz oblasti komunalne infrastrukture. Biljana Marković iz Gradske razvojne agencije izlagala je o privrednoj infrastrukturi Grada Istočno Sarajevo. Osvrnula se na budući razvojni period do 2025. godine u kojem bi pored ostalog bilo potrebno početi i završiti izgradnju Jadransko-jonskog autoputa (veza prema Trebinju), početi i završiti izgradnju autoputa Banja Luka–Prijedor–Novi Grad–granica sa Republikom Hrvatskom i početi i završiti izgradnju auto-puta Modriča–Brčko–Bijeljina–granica sa Republikom Srbijom.

Na kraju diskusija na Forumu je polučila nekoliko zaključaka koje će učesnici u narednom periodu analizirati i dostaviti P/G K F BiH. Isti će biti sublimirani u konačan tekst Zaključaka.

Dijana Skender-Grebo, dipl. pravnik

Održan okrugli sto na temu: “Javne ovlasti u komorskom sistemu Bosne i Hercegovine s osvrtom na komore u zemljama okruženja”

U Mostaru je 30.10.2015.godine u organizaciji Privredne/ Gospodarske komore Federacije BiH održan okrugli sto o javnim ovlastima u komorskom sistemu BiH s osvrtom na komore u zemljama okruženja.

Uz predstavnike Privredne/ Gospodarske komore F BiH učestvovali su predstavnici Privredne komore Republike Srpske, Privredne komore Crne Gore i Gospodarske komore Republike Hrvatske. Učesnici okruglog stola zaključili su kako, polazeći od zakonskih nadležnosti i ovlaštenja svojstvenih komorskom sistemu i naslijeđene pravne tradicije Komora, podržavaju trend vraćanja obaveznog članstva Komorama, što je posebno evidentno u posljednje vrijeme u zemljama okruženja. Preuzimanjem javnih ovlaštenja na određeni način, Komora rasteće organe državne vlasti posebno u pitanjima koja se administrativno rješavaju i u slučajevima koje Komora može obavljati, čime se osigurava opstojnost komore, je-





dan je od zaključaka. Vršanjem javnih ovlaštenja - usluga, Komora postaje legitimni i legalni predstavnik privrede. Učesnici su saglasni kako treba podržati prijenos javnih ovlaštenja na gospodarske/ privredne komore, jer i sadržaj javnih ovlaštenja svojstven privrednim komorama. Obzirom da je Privredna/Gospodarska komora Federacije BiH, jedina Komora u zemljama okruženja koja nema obavezno članstvo, učesnici sastanka su saglasni da na bilo koji način posebno pred izvršno-zakonodavnim tijelima BiH, treba podržati uvođenje obaveznog članstva. Predsjednik Privredne komore Federacije BiH dr Marko Šantić istakao je kako je obavezno članstvo u Gospodarskoj komori FBiH ukinuto još 2003. godine, a dio javnih ovlaštenja PKFBiH zadržala neka od ministarstava.

-Na slabljenje Gospodarske komore FBiH utjecao je i "sukob" bivšeg vodstva PKFBiH i Udruge poslodavaca, s kojom sadašnje vodstvo Komore ima dobre odnose, tako da je Federalna gospodarska komora ostala samo s dvije javne ovlasti. Nasuprot trendu slabljena PKFBiH gospodarske komore u RS-u te u Hrvatskoj i Crnoj Gori imaju brojne ovlasti.

Javne ovlasti immanentne komorskom sustavu su one javne ovlasti koje su samo drugi naziv za pojedine prerogative državne vlasti i znače ovlasti za obavljanje pojedinih funkcija državne vlasti.

- javne ovlasti i upravne ovlasti se koriste kao sinonimi što se ne bi moglo smatrati pravno ispravnim i prihvatljivim.

- Upravne ovlasti su po svojoj pravnoj prirodi javne ovlasti, ali samo jedna vrsta javnih ovlasti.

- upotrebom izraza javne ovlasti nastoji se izbjeći označavanje prave suštine – da je riječ o vršenju vlasti od strane nedržavnih subjekata, što je na određeni način prihvatljivo.

Gospodarska komora Hrvatske svoju misiju obavlja kroz četiri stupnja, a ima čak 18 ovlasti, kazao je dužnosnik HGK Marko Cindrić.

Osnovna javna ovlaštenja Hrvatske gospodarske komore

Javne ovlasti licenciranja : Stručna osposobljenost za obavljanje djelatnosti javnog cestovnog prijevoza, stručni ispit za agenta posredovanja u prometu nekretnina
 Javne ovlasti u međunarodnim poslovima: ATA karneti, izdavanje potvrde o porijeklu robe i ovjera dokumenta, izdavanje EU potvrda, raspodjela dozvola za međunarodni prijevoz tereta , jedinstvena kontaktna točka
 Javne ovlasti vođenja registara i očevidnika imenik age-

nata za posredovanje nekretninama , registar posrednika u posredovanju nekretninama,

Registar o poslovnim subjektima koji posjeduju certifikat poslovne sigurnosti UVNSa, očevidnik pokretnina i nekretnina , upisnik HGK o izdavanju i distribuciji tiska i izdavanje potvrde o upisu

Ostale javne ovlasti javni komisionari , izvansudsko rješavanje sporova,

Usklađivanje vozničkih redova linijskog prijevoza putnika, usklađivanje cijeničkih usluga autobusnih kolodvora



Pavle Radovanović, glavni sekretar komore Crne Gore, kazao je kako crnogorska vlada i ministarstva sve više ovlasti ustupaju Komori. Kod nas u Crnoj Gori situacija je takva da smo mi prisiljeni odbiti neke od ovlasti koje nam se nude, jer smo preopterećeni, kazao je Radovanović.



Osnovna ovlaštenja Privredne komore Crne Gore

- Potvrda da se roba ne proizvodi u Crnoj Gori
- End user sertifikat
- Uvjerenje da je proizvedena roba domaćeg porijekla
- Certificate of origin
- Form A
- ATA karnete
- TIR karnete
- Vršiti usaglašavanje redova vožnje u drumskom saobraćaju i odgovorna je da vodi i ažurira e-registar licenci



Prema riječima Dragane Kokot Gambiroža iz Privredne komore RS, komora RS ima odličan partnerski odnos s Vladom i Narodnom skupštinom Republike Srpske. Mi aktivno učestvujemo u kreiranju ekonomske politike RS, u kreiranje različitih propisa, uključeni smo u različite odbore i komisije Vlade i skupštine.

Osnovna ovlaštenja Privredne komore Republike Srpske

- Sud časti i Arbitraže
- Privredni registar RS
- Usklađivanje i registracija redova vožnje
- Arbitražni odbor za potrošačke sporove
- Izdavanje dozvola za rad u Njemačkoj - Detašmani
- Potvrda za kandidata za stečajnog upravnika da nema negativnih rezultata rada
- Potvrde
- Uvjerenja



Javne ovlasti P/GKFBiH

1. Usavršavanje za članove Uprava i Nadzornih odbora u gospodarskim društvima sa učešćem državnog kapitala o osnovu Uredbe o usavršavanju članove Uprava i Nadzornih odbora u gospodarskim društvima sa učešćem državnog kapitala
2. raspodjela kontingenata radnika detaširanih na rad u SR Njemačku, po osnovu Uredbe o ratifikaciji Sporazuma između Vlade BiH i Vlade SR Njemačke iz 1995. godine.
3. Izdavanje potvrde da određeni proizvodi imaju BH porijeklo, u vezi sa primjenom Odluke o obaveznom korišćenju preferencijalnog tretmana domaćeg u postupku javnih nabavki



Svi učesnici okruglog stola su podržali zahtjeve Privredne komore F BiH za uvođenjem obaveznog članstva privrednim društvima, te za vraćanje javnih ovlasti PK F BiH kakve imaju i ostale komore u zemljama okruženja. Između ostalog zaključeno je da se nadležnim ministarstvima, kao i Vladi F BiH dostave prijedlozi i inicijativa sa obrazloženjima koji ukazuju na neophodnost uvođenja obaveznog članstva u komorski sistem i vraćanje komorama izvornih nadležnosti koje joj pripadaju.

Amela Kečo

Uspješno okončan 22. generalni BH sajam Zeps 2015 i 12. međunarodni sajam metala Zeps intermetal

Sajam ZEPS je tradicionalno jedan od najvažnijih sajmova privrede u Bosni i Hercegovini, te su i ove godine prepoznavši to, veliki broj izlagača predstavili svoje proizvode, usluge kao i novosti, kada su u pitanju tehnološka dostignuća.



Ovogodišnji 22. generalni BH sajam „ZEPS 2015“ i 12. Međunarodni sajam metala ZePS Intermetal 2015., otvoreni su u Zenici 6.10.2015.godine i trajali su pet dana na 10.000 m² prostora Kamberovića polja. Ovaj sajam je mjesto za prezentaciju firmi iz više privrednih grana, te je koncipiran po cjelinama, odnosno sajmovskim blokovima u kojima se održavaju izložbe iz određene oblasti. Među brojnim pratećim sadržajima Sajma u fokusu je bila metalska industrija, obnovljivi izvori energije i poljoprivreda sa prehrambenom industrijom, te ekologija. Sajam „ZEPS 2015“ je bio domaćin firmama iz Bahreina, Saudijske Arabije, Katara, Ujedinjenih Arapskih Emirata, Omana, Hrvatske, Češke i Poljske, koje su svoje djelatnosti, uz zanimljiv prateći sadržaj, predstavile brojnim posjetiocima.

Na 12. Međunarodnom sajmu metala „ZEPS Intermetal“ učešće je uzelo 72 izlagača iz 10 zemalja svijeta. Sajmove je otvorio Rusmir Hrvić, direktor bh. prehrambene industrije Klas d.d. Sarajevo, članice AS GROUP, ističući kako mu je pripala čast da otvori najveći sajam u BiH. Pozvao je Bosance i Hercegovce da kupuju domaće proizvode, državu da stoji iza ovog projekta, a investitori ma poručio da ulažu u BiH.

Privredna/Gospodarska komora Federacije Bosne i Hercegovine je na svom štandu promovirala djelatnosti, kako komore, tako i kompanija članica ove institucije. U okviru Generalnog BH sajma ZEPS 2015, u organizaciji Privredne/Gospodarske komore Federacije BiH, Vanjskotrgovinske komore BiH i Privredne komore RS, održana je prezentacija „Potencijali metalnog sektora Bosne i Hercegovine“. Prezentacija je održana prvog dana sajma, na teme: „Potencijali metalnog sektora Bosne i Hercegovine“, „Primjeri uspješnih kompanija“, „Poticaji privrednicima metalnog sektora“, a takođe je bilo riječi i o temi „Kako do sredstava EU fondova“.



P/G komora FBiH je drugog dana sajma, 7.10.2015. godine, organizirala još jednu prateću manifestaciju sajma, na temu „Investicijski potencijali Bosne i Hercegovine“. Učešće su, pored P/G komore FBiH, uzeli i predstavnici Agencije za unapređenje stranih investicija u BiH (FIPA), Federalno ministarstvo razvoja, poduzetništva i obrta i REZ Agencija – Regionalna razvojna agencija za regiju Centralna BiH. Ovdje je govora bilo o investicijskim potencijalima BiH, jačanju konkurentnosti MSP-a kroz razvoj poduzetničke infrastrukture u FBiH i podršci investitorima. Komora FBiH je na manifestaciji učešće uze-

la i kroz prezentaciju na temu „Prezentacija potencijala metalnog sektora Federacije Bosne i Hercegovine“, koju je držao direktor Sektora za industriju i usluge, gospodin Almin Mališević.

Vedad Šestić, direktor Generalnog bh. sajma ZEPS, istakao je kako je ovogodišnji sajam ispunio sva očekivanja. “I prije otvaranja sajma mi smo bili prezadovoljni jer smo okupili 500 izlagača iz 25 država, a to nije mala stvar. Ove godine fokusirali smo se na metalnu industriju koja je karakteristična za Zenicu kao i na prehrambenu industriju. Posebno smo ponosni na činjenicu da je ZEPS opstao sve ove godine kada su internet trgovina i reklamiranje broj jedan u svijetu”, rekao je Šestić.



PRIZNANJE 22.GENERALNOG BH SAJMA ”ZEPS 2015”

ZA PROIZVOD	
1.	“SMJEROKAZNI STUBIĆ” FIRMI “BALTECH” D.O.O. SRBAC
2.	“ANAEROBNI BIOLOŠKI PREČISTAČ OTPADNIH VODA” FIRMI “EKOGEA” CELJE i “IBIS” d.o.o. ZAVIDOVIĆI
3.	“MUŠKA KOŠULJA” FIRMI “BONTEX” d.o.o. MAGLAJ
ZA KOLEKCIJU PROIZVODA	
1.	KOLEKCIJA TRAMPOLINA FIRMI “ETAN” d.o.o. VELIKA KLADUŠA
2.	KOLEKCIJA PROIZVODA OD STIROPORA FIRMI “IGM” d.o.o. VISOKO
3.	KOLEKCIJA ALATA ZA ŠTANCANJE KAROSERIJSKIH DJELOVA AUTOMOBILA FIRMI “SIGA INTERNATIONAL” d.o.o. SVETA NEDELJA
4.	KOLEKCIJA SAPUNA “BIO REMIX” FIRMI “BIO REMIX” d.o.o. BRČKO
5.	KOLEKCIJA PROIZVODA ZA NJEGU KOŽE “AMAMA” FIRMI “VITA” d.o.o. ZENICA
ZA PROMOCIJU	
1.	“UNIKOMERC” d.o.o. MOSTAR
2.	“KOVAN MI” d.o.o. GRAČANICA
3.	“LAGER” d.o.o. POSUŠJE
4.	“ALMY” d.o.o. ZENICA
GRAND PRIX “RUŽA ZEPSA” -dodjeljuje se kao jedinstveno priznanje izlagaču koji je svojim nastupom obilježio sajam a to je: “HGK-ŽUPANIJSKA KOMORA SISAK”	
DOBITNICI ZLATNE MEDALJE KVALITETA “RUŽA ZEPSA” ZA PREHRAMBENE PROIZVODE	
1.	“KLAS” d.d. SARAJEVO za proizvod: BRAŠNO T-500 25 kg
2.	“VITINKA” a.d. KOZLUK za proizvod: EXOTIC KRUŠKA
3.	“VOČAR” d.o.o. BRČKO za proizvod: ČAJNI KOLUTIĆI “MIA” 500 gr.
4.	SARAJEVSKA PIVARA d.d. SARAJEVO za proizvode: SARAJEVSKO SVIJETLO LAGER PIVO, SARAJEVSKO TAMNO LAGER PIVO, SARAJEVSKO PREMIUM LAGER PIVO
5.	“VICTORIA OIL” a.d. ŠID za proizvod: RAFINISANO SUNCOKRETOVO ULJE “ISKON”

6.	ZENIČKA INDUSTRIJA MLIJEKA d.d. ZENICA za proizvode: MASLAC I KLASE sa min.82% m.m. JOGURT LIGHT sa 0.5% m.m.,SIR BIJELI KRIŠKA sa 45% m.m. u SM,SIRUTKA sa 0,1% m.m. u SM
PRIZNANJA 12.MEĐUNARODNOG SAJMA METALA ZEPS INTERMETAL 2015. ZA PROIZVOD	
1.	“VENTILACIONA REŠETKA” FIRMI “VENTICO” d.o.o. CAZIN
2.	“PULT INOX” FIRMI “B&H STAINLESS” d.o.o. TUZLA
3.	“OSOVINA ZA VEŠ MAŠINU” FIRMI “ATT” d.o.o. GORNJI VAKUF
ZA PROMOCIJU	
1.	“FERRO-PACK” d.o.o VITEZ
2.	“EVROSKOP” DOOEL SKOPJE
3.	“INTER-COM” d.o.o ZENICA

Andreja Softić,dipl.ecc.

P/G komora Federacije BiH i Agencija za halal certificiranje su drugoga dana 22. generalnog sajma ZEPS promovirali Udruženje Halal industrije

Udruženje halal industrije ima ogroman potencijal sa više od 8.000 zaposlenih, ne računajući njihove kooperante, dok im je finansijski obim poslovanja milijardu i po KM uz ukupan obim proizvodnje prehrambenih proizvoda od 633.000 tona godišnje.



Obraćajući se prisutnima Mirsad Jašarspahić, potpredsjednik Privredne komore FBiH istakao je da je Komora prepoznala interes privrednika koji su u novoosnovanom Udruženju stvorili sve preduvjete za zajedničko artikulisanje interesa cjelokupne Halal industrije. “Halal certifikat prvenstveno ima karakter potvrđivanja kvaliteta i raduje me da se sada Privrednoj komori javljaju i proizvođači hrane koji bi željeli imati certifikat, a

rade van teritorija Bosne i Hercegovine. Naša otvorenost za saradnju se pokazala dobrom, jer smo već imali jednu delegaciju slovenskih proizvođača koji bi željeli da putem našeg udruženja dođu do certifikata. Mislim da naši proizvođači hrane sa ovakvim načinom rada, sa halal certifikatom, mogu biti lideri u regionu”, kazao je Mirsad Jašarspahić, potpredsjednik Privredne KFBiH .

Predsjednik Udruženja halal industrije BiH, Adis Hasaković u ime As grupacije, podsjeća da je cilj Udruženja bolje pozicioniranje na domaćem kao i zajednički nastup na drugim tržištima. Želimo u Udruženje okupiti sve subjekte koji su prošli proceduru kod Agencije,kazao je Hasaković.

Prisutnima se je u ime članica Udruženja obratila Edina Saletović, predsavnica Menproma iz Tuzle, te još jednom u ime svoje firme kao i ostalih članica izrazila zadovoljstvo potporom koju Udruženju pruža P/G komora FBiH.

Agencija za certificiranje halal kvaliteta u BiH, nadležna je za više od 60 subjekata u našoj zemlji te i za oko 120 u okruženju.

Direktor Agencije, Amir Sakić u toku sveobuhvatne pre-

zentacije cjelokupne halal industrije ukazao da su u najvećoj mjeri u pitanju kompanije iz prehrambene industrije, navodeći da je u posljednje vrijeme povećan interes subjekata iz ugostiteljstva, turizma i drugih oblasti.

Na osnovu urađene „Lične karte Halal industrije“ evidentno je da subjekti koji posluju po halal standardima i imaju certifikat, ostvare na godišnjem nivou oko 1,5 milijardu maraka prometa, te upošljavaju više od 8.000 ljudi, ne računajući kooperante uz ukupan obim proizvodnje prehrambenih proizvoda od 633.000 tona godišnje.

Direktor Sakić je još jednom istako da je Agencija članstvom u Udruženju u P/G komori dobila snažnog partnera za stvaranje povoljnijeg poslovnog ambijenta cjelokupne Halal industrije.

U ime finansijskog sektora, prisutne je pozdravio predstavnik Uprave BBI banke, Šukrija Ramić. Istakao da

je ova finansijska institucija jedina koja funkcioniše na principima halal standarda kada je u pitanju finansijski sektor, navodeći spremnost Banke da podrži sve aktivnosti Udruženja.

Ispred Veterinarskog fakulteta Sarajevo, koji je nedavno članica Udruženja, prisutnima se obratila Amina Magoda, ističući veliku važnost kvaliteta laboratorijskih usluga koje su od ključne važnosti za cijelokupan proces sticanja Halal certifikata, a koje za potrebe Agencije pruža Fakultet, čijim se izlaganjem i okončala prezentacija Udruženja halal industrije.

*Emir Pašić dipl.ecc
Sekretar udruženja Halal industrije*

Održana 12. gospodarsko-kulturna manifestacija „Dani jabuke“ u Goraždu



Na 12. Gospodarsko-kulturnoj manifestaciji „Dani Jabuke“, u Goraždu 2015. god, sudjelovala je i P/G komora FBiH sa svojim članicama na zajedničkom štandu sa Komorom bosansko-podrinjskog kantona.

P/G komora je ujedno bila i glavni sponzor ove manifestacije, na čijem štandu su se kvalitetno predstavile njeine članice iz proizvodnje vina i rakija i to PODRUMI ANDRIJA d.o.o. sa svojom vrhunskom i kvalitetnom Blatinom i Žilavkom, te vrhunskim Roseom i domaćom lozom, zatim ispred tvrtke MCI d.o.o. Široki Brijeg predstavljena su „VINA Zadro“, d.o.o. Domanovići sa vrhunskom Žilavkom, Merlotom, Chardonnay, Cabernet Sauvignon i Blatinom., kao i Mljekara Livno sa svojim poznatim Livanjskim sirom.

Uz vina i sir bio je i LAKS d.o.o. Salakovac proizvođač

ribe i riblje mladi.

Sve se moglo zasladiti proizvodima konditorske industrije odnosno tvornice kekisa i vafla iz ZVEČEVO-LASTA d.d. Čapljinina sa svojim poznatim slasticama. Na sajmu se predstavila i mlada tvornica čokolade i sladoleda „EM-MESSE“ d.o.o. Čitluk sa svojom jedinstvenom bijelom, smeđom i crnom čokoladom napravljenoj po talijanskoj recepturi.

Pored brojnih gostiju štand je posjetio i Načelnik općine Goražde, Predsjednik Vlade BPK, Ministar obrta i poduzetništva BPK, te cijela delegacija iz općine Rožaj iz susjedne Crne Gore gdje su prezentirani i konzumirani nabrojani proizvodi.

Sajam je otvorio gosp. mr.sci. Mirsad Hubanić, a uz brojne govornike obratio se i prof.dr.Zlatan Sarić dekan



Poljoprivrednog fakulteta iz Sarajeva, koji je istakao podatak, da je prije Drugog svjetskog rata u Goraždu bio smješten prvi Istraživački centar za voćarstvo, kao i prvi bosanskohercegovački voćarski rasadnik.

U sklopu sajamske manifestacije bilo je organizirano niz edukativnih radionica i drugih aktivnosti u čijem fokusu je bila poljoprivredna proizvodnja i njen dalji razvoj.

Erina Lasić

Udruženje halal industrije P/G K FBiH na sajmu Dani jabuke Goražde 2015



Osnovano prije šest mjeseci i jedinstveno u regionu, prvi put na sajmu „Dani jabuke Goražde 2015.“ se predstavilo se i Udruženje halal industrije Privredne komore Federacije BiH, koja je partner u organizaciji Sajma.

Tom prilikom članice Udruženja Klas Sarajevo, Vispak Visoko, Akova Grup, Bosnet Group i BBI banka su prezentacijom svojih roba i usluga na najbolji način promovisali najbrže rastuću industriju u svijetu.

Štand su pored predstavnika politike i privrede Bosnasko-podrinjskog Kantona Goražde posjetili, brojni posjetioци, te delegacija grada Rožaja iz susjedne Crne Gore kao i turske privredne asocijacije Askon iz grada Konje, koja je u organizaciji PKFBiH posjetila ovaj tradicionalni Sajam.

Emir Pašić dipl.ecc
Sekretar Udruženja halal industrije



PRIVREDNA/GOSPODARSKA KOMORA
FEDERACIJE BOSNE I HERCEGOVINE



This project is funded by the EU



Entrepreneurial Learning in BiH
Education Systems – Phase II



GOPA isb CONSULTING™
Implemented by EPRD consortium

Javnim pozivom za učlanjenje u bazu konsultanata i poslovnih savjetnika pri P/G K FBiH okončan projekat „preduzetničko učenje u obrazovnim sistemima u BiH, faza II“

Dana 09.11.2015. godine je u PKFBiH je održana završna radionica „Prezentiranje i usvajanje mape puta za uspostavu sistema osiguranja kvalitete u neformalnom preduzetničkom učenju“ u okviru projekta „Preduzetničko učenje u obrazovnim sistemima u BiH, faza II.

Održavanju ove radionice prethodilo je objavljivanje „Javnog poziva za učlanjenje u bazu konsultanata i poslovnih savjetnika“ koje su na svojim web stranicama objavile PKFBiH, VTKBiH i RARS, čime su ostvoreni planirani preduvjeti za okončanje II Faze ovoga Projekta. Radionici su prisustvovali članovi Radne grupe koju su činili predstavnici oba entiteta kao i Distrikta Brčko.

Na početku rada Radne grupe prisutne je pozdravila gđa. Ane Sindik, ključni ekspert Projekta, te ih je upoznala s osnovnim ciljevima i dosadašnjim aktivnostima unutar komponente Neformalno preduzetničko učenje.

Gospodin Stuart Anderson, u funkciji gostujućeg eksperta prisutnima je obrazložio primjere sistema kvalitete u neformalnom preduzetničkom obrazovanju iz Velike Britanije i Njemačke.

Gospođa Ane Sindik je još jednom obrazložila osnovne karakteristike hrvatskog modela.

Članovi radne grupe su se složili da je potrebno učiniti

prve korake ka uspostavljanju sistema kvalitete te da je to proces koji traži vrijeme i praksu kako bi se vidjeli optimalni modeli i funkcioniranje u praksi.

Zaključeno je da se ne može niti jedan model jednostavno preslikati na BiH već je potrebno raditi na razradi modela koji je optimalan za BiH, a uvažavajući primjere najbolje prakse iz EU zemalja i zemalja u okruženju.

Dogovoreno je da će se Finalni dokumenti još jednom poslati svim članovima radne grupe na čitanje i komentiranje prije slanja na Upravni odbor.

*Emir Pašić dipl.ecc
Centar za međunarodnu
i saradnju sa EU fondovima*

Održan sastanak Koordinacionog odbora

Koordinacioni odbor za izradu „Strategije razvoja metalnog i elektro sektora Federacije BiH za period 2015-2025. godine“, je održao drugi sastanak.



U Privrednoj/Gospodarskoj komori Federacije BiH je 28.10.2015.godine održan drugi sastanak Koordinacionog Odbora za izradu „Strategije razvoja metalnog i elektro sektora Federacije BiH za period 2015-2025.godine“. Članove Koordinacionog Odbora čine predstavnici Privredne/Gospodarske komore Federacije BiH, Federalnog ministarstva energije, rudarstva i industrije, Federalnog Zavoda za programiranje razvoja i Agencije za unapređenje stranih investicija u BiH.

Na sastanku je izvršena analiza realiziranih aktivnosti na izradi Strategije razvoja koje su dogovorene na sastanku Radnih grupa održanom 22.07.2015.godine i urađen je presjek stanja prikupljenih podataka. Također razgovaralo se o aktivnostima koje je potrebno realizirati u mjesecu novembru tekuće godine i dogovoreni nosioci aktivnosti.

Dogovoreno je da se sljedeći sastanak Koordinacionog odbora održi krajem novembra 2015. godine, da se analiziraju pristigli materijali potrebni za izradu Strategije i da se krene u druge aktivnosti predviđene Projektnim zadatkom.

Podsjećamo, Vlada Federacije BiH je zadužila Federalno ministarstvo energije, rudarstva i industrije da zajedno sa Privrednom/Gospodarskom komorom Federacije BiH pristupi izradi Strategije, a navedene aktivnosti su sastavni dio njene izrade.

Almin Mališević, dipl.ing maš.

Održana Skupština Udruženja poljoprivrede, prehrambene i duhanske industrije



Na sastanku održanom 30.09.2015 godine u Sarajevu formirano je:

Udruženje POLJOPRIVREDE ,PREHRAMBENE i DUHANSKE INDUSTRIJE ili skraćeno PPDI na kom su bili nazočni predstavnici proizvođača i prerađivača pojedinih poljoprivrednih proizvoda :

proizvođača i prerađivača mesa
 proizvođača i prerađivača ljekovitog i aromatičnog bilja
 proizvođača vina i alkoholnih pića
 proizvođača prirodnih voda i sokova
 proizvođača peradi
 proizvođača mlinsko-pekarске i konditorske industrije
 proizvođača sjemenskog i sadnog materijala

proizvođača i prerađivača voća,povrća i grožđa
 proizvođača duhana i duhanskih proizvoda

Ostali predstavnici grupacija poslali su svoje isprike i žaljenje zbog spriječenosti u dolasku na sastanak ali i aktivno učešće u narednom koji je zakazan za 27.10.2015 godine u Sarajevu.

Sve Odluke ,Pravilnici i Poslovnik o radu udruženja su prihvaćene jednoglasno uz neke tehničke ispravke koje će se unijeti naknadno i biti dostavljene na narednu sjednicu. Grupacije su se obvezale dostaviti imena svojih predstavnika (najviše dva) u odbor koji će izabrati Predsjednika i dva zamjenika UDRUŽENJA POLJOPRIVREDE ,PREHRAMBENE i DUHANSKE INDUSTRIJE koji će se birati također na narednoj sjednici.

Sjednica UDRUŽENJA POLJOPRIVREDE, PREHRAMBENE i DUHANSKE INDUSTRIJE koja je nastavljena 27.10.2015 godine iznjedrila je predsjednika i tri potpredsjednika Udruženja PPDI

predsjednik	Hasan Nurkić	(Bosanac d.d Orašje)
potpredsjednik	Refik Kurgaš	(Brovis d.d)
potpredsjednik	Suljo Tahirović	(Ratar d.d Odžak)
potpredsjednik	Tomislav Zelenika	(Helita široki brijeg)

Sektor za poljoprivredu i trgovinu P/G K F BiH



Održana godišnja izborna Skupština Udruženja prometnika naftnih derivata F BiH

U prostorijama Privredne komore F BiH u Mostaru 29. oktobra održana je izborna Skupština Udruženja prometnika naftnih derivata F BiH (UPND).

Prethodni četverogodišnji mandat organa Udruženja, obilježile su velike aktivnosti, kako planirane, tako i one koje nisu planirane, ali su bile aktuelizirane zbog promjenljivosti tržišta nafte i naftnih derivata, te nastojanja da se profesionalnijim pristupom asocijacije problematici, uspostave optimalni uslovi za rad članica Udruženja.



Iako je Skupština prvenstveno imala zadatak da izabere novi saziv Odbora Udruženja, značajan dio sjednice Skupštine je posvećen Izvještaju o radu Odbora za prethodni mandatni period, kojeg je i u elektronskoj formi prezentirao predsjednik Udruženja gosp. Milenko Bošković. Izvještaj se temeljio na aktivnostima u izvještajnom periodu, velikim i značajnim pomacima u radu i organizaciji Udruženja, te ostvarenju osnovnih ciljeva i načela na kojima se temelji rad UPND.

Naglašeno je da su principi, ciljevi i vizija Udruženja u potpunosti ostvareni, te da su isti rezultirali činjenicom da je Udruženje postalo prepoznatljiv i respektabilan faktor u privrednom prostoru BiH.

Posebno je konstatovano da postoji kvalitetna saradnja sa svim organima i institucijama u čijoj nadležnosti je pri-

vredna problematika, odnosno sektor naftne privrede, te da su uspostavljeni partnerski odnosi sa organima izvršne vlasti i uprava na nivou Federacije BiH.

Naglašen je i pozitivan rezultat uspješne reorganizacije UPND, te energičnijeg i profesionalnijeg pristupa problematici naftnog sektora, zbog čega je Udruženje preko svojih stručnih timova uključeno u sva pitanja koja zahtijeva potreba za legislativnim uređenjem ove oblasti.

Milenko Bošković novi predsjednik Udruženja

U novi saziv Odbora Udruženja imenovani su: Milenko Bošković predsjednik (Udruga trgovaca naftom Mostar), Izudin Ahmetlić potpredsjednik ("HIFA OIL"d.o.o.Tešanj), te članovi:Mujo Ahmetspahić ("Ahmetspahić petrol"d.o.o.Sarajevo), Miljana Sladojević ("G petrol "d.o.o.Sarajevo),Ekrem Kolaković ("Rez"d.o.o.Cazin),Blaž Krezić ("Energy comerce"d.o.o.Mostar),Hasan Uščuplić ("Polo" d.o.o.Kalesija),Bećir Čengić ("El Tarik Oil"d.o.o.Sarajevo), Hasan Nezić ("Eurotrans" d.o.o.Gradačac), Mirko Šiško ("Zabrišće B&M"d.o.o.Livno),Predrag Kožul ("ABC Petrol"d.o.o.Široki Brijeg), Ismet Begić("Almy"d.o.o.Zenica), Salih Mustajbegović ("Bucomer" d.o.o.Kiseljak), Mehmed Huremagić ("Eurojet"d.o.o. Cazin), Ante Aralica("Holdina" d.o.o. Sarajevo)



Od brojnih aktivnosti u proteklom mandatnom periodu, izdvojene su aktivnosti kod donošenja Zakona o naftnim derivatima F BiH koji je donesen polovinom 2014.godine. Iako ovaj Zakon sadrži određena nedefinisana pitanja koja u praksi stvaraju dileme i poteškoće u primjeni, generalna ocjena diskutantata je da Zakon predstavlja pozitivan napredak u regulaciji naftnog tržišta.

Zakon sadrži, saglasni su diskutanti, određena nedefinisana pitanja kao i odredbe zakona koje treba mijenjati jer nisu primjenljiva u praksi ili u primjeni stvaraju brojne probleme.

U narednom periodu aktivnosti Udruženja, kada se radi o zakonodavnom okviru naftnog sektora, bit će fokusirana na donošenje Pravilnika koji su predviđeni Zakonom. Od ostalih planiranih aktivnosti izdvojeni su: izmjene i

dopune Zakona o naftnim derivatima, , aktivno učešće u donošenju Odluke o utvrđivanju kvalitete tečnih naftnih goriva, aktivno učešće po pitanju uspostave odgovarajućeg modela obaveznih rezervi naftnih derivata, aktivno učešće u donošenju zakona koji se odnose na oblast trgovine.

U toku diskusije istaknuta je i podrška Privredne komore F BiH i njen doprinos organizaciji, razvoju i afirmaciji Udruženja prometnika naftnih derivata FBiH pri P/GKFBiH.

Piše: Amela Kečo dipl.prav.

Ciljevi i vizija Udruženja prometnika naftnih derivata P/GKFBiH

Lojalna konkurencija

Uredna snabdjevenost tržišta u BiH

Jedinstveno tržište Bosne i Hercegovine

Istovjetan zakonodavni okvir za sve prometnike naftnih derivata u BiH

Kvaliteta naftnih derivata po EU standardima

Principi tržišne ekonomije



PRIVREDNA/GOSPODARSKA KOMORA
FEDERACIJE BOSNE I HERCEGOVINE
CHAMBER OF ECONOMY OF THE FEDERATION OF BOSNIA AND HERZEGOVINA



POBJEDA D.D. TEŠANJ

Održana VII sjednica odbora UMEI

U četvrtak 5.11.2015. godine u kompaniji POBJEDA D.D. u Tešnju je održana sedma po redu sjednica Odbora Udruženja metalne i elektro industrije Privredne/Gospodarske komore Federacije BiH.



Na početku sjednice je g. Kasim Kotorić – izvršni direktor za proizvodnju, prezentirao kompaniju Pobjeda d.d. i hronološki od samog osnivanja do danas opisao put ove zasigurno jedne od najuspješnijih kompanija u Bosni i Hercegovini. Važno je istaći i da su pored nekoliko velikih kriza koje su pogodile kompaniju, rukovodstvo kompanije zajedno sa radnicima, uspjeli iz kriza izaći kao pobjednici i nastaviti svoju uspješnu misiju. Danas je Pobjeda Tešanj kompanija koja proizvodi uglavnom pumpe za ulje i vodu, ali i druge proizvode u skladu sa raspoloživim proizvodnim kapacitetima. Veliki dio svoje proizvodnje izvoze u zemlje EU, Turske, Egipta, UAE i dr. U toku su velike investicije i za očekivati je da će ovaj bh. gigant imati uspješan razvojni put.

U nastavku sjednice predsjednik Privredne/Gospodarske komore Federacije BiH g. Mirsad Jašarspahić je prisutne upoznao sa Komorskim aktivnostima i dao kratak osvrt na Zakon o porezu na dobit F BiH i Zakon o radu F BiH. Sekretar Udruženja je prezentirao rad Udruženja od njegovog osnivanja 2002. godine do danas i informisao prisutne o realizaciji zaključaka sa prethodne sjednice Odbora.

Nakon završetka sjednice po tačkama dnevnog reda, krenulo se u obilazak proizvodnih pogona kompanije POBJEDA D.D. Tešanj.



Almin Mališević, dipl.ing.maš.



Potreba za većim korištenjem obnovljivih izvora energije

Odbor Udruženja/Udruga za obnovljive izvore energije održao je u prethodnom periodu dvije sjednice i to 14.09. u Mostaru i 12.11. u Sarajevu.

Na sjednicama je dogovoreno da se ispred UOIE uputi dopis novom ministru FMERI, u kojem se Odbor UOIE stavlja na raspolaganje Vladi FBiH sa svojim stručnim kapacitetima. Dogovoreno je i da sličan dopis bude upućen prema Elektroprivredi BiH i Elektroprivredi HZHB. Obzirom na ranije inicijative da se UOIE uključi u izradu Energijske strategije FBiH/BiH, koju je država obavezna dostaviti EEZ-u do kraja ove godine, naglašeno je da već postoje dokumenti koji se mogu koristiti u tu svrhu. Tu spadaju Niskokarbonska strategija BiH, koju je Vijeće ministara BiH usvojilo 2013. godine a koju su prihvatili i FMERI i obje Elektroprivrede, kao i Drugi nacionalni izvještaj BiH o klimatskim promjenama. Također, predloženo je da se Odbor obrati i ministru vanjske trgovine i ekonomskih odnosa BiH.

Na sastancima je ukratko prezentirana knjiga pod nazivom „Vjetroelektrane – osnove konstrukcije i rada“ a autori su istu podijelili članovima Odbora.

Prezentirana su i dva stručna materijala, prvi pod nazivom „Utjecaj OIE na cijenu električne energije u Federaciji BiH“. Zaključeno je da ovaj rad opovrgava tezu da će značajno porasti cijena električne energije zbog većeg korištenja OIE, kako se to često prezentira u javnosti.

Drugi rad tiče se ekonomičnosti evropskih termoelektrana i u njemu se navodi, između ostalog, primjer kako se moderne termoelektrane izvode u kombinaciji sa obnovljivim izvorima energije u povoljnom odnosu snaga, te se uključuju samo kad je to potrebno. Ukratko, analiza ukazuje na potrebu za velikom fleksibilnošću termoelektrana kao i za povećanim angažmanom OIE.

Razgovarano je i o Zakonu o stranim ulaganjima Federacije BiH, kao i o državnom Zakonu o politici direktnih stranih ulaganja u BiH, te zaključeno da je potrebno da se i ovaj Odbor aktivno uključi u njihovu izradu.

Na kraju su rezimirane aktivnosti UOIE tokom 2015. godine. Članovi Odbora istaknuli su činjenicu da je, pored dva uspješno održana okrugla stola i posjete Vladi Federacije BiH, predsjednik Komore Mirsad Jašarspahić pozdravio i prihvatio inicijative koje mu je ovaj Odbor delegirao početkom godine, a to su formiranje „one-stop-shopa“ u Komori Federacije BiH (po uzoru na zemlje u regionu), kao i osnivanje Virtualnog instituta u suradnji sa sličnim partnerskim institutom iz inozemstva, što je jedna od aktivnosti planiranih za narednu godinu.

L. Sadiković



Predstavници trgovačke komore Ankare posjetili P/G Komoru FBiH



Delegacija trgovačke komore Ankare, koju je predvodio gospodin Murat Fatsa, direktor odjela za Projekte i Evropsku Uniju, posjetila je Privrednu/Gospodarsku komoru Federacije BiH. Na sastanku je razgovarano o mogućnostima buduće saradnje između dviju komora. Potpredsjednik Privredne komore FBiH Mirsad Jašarspahić, zajedno sa Emirom Pašićem, Voditeljem Centra

za međunarodnu i saradnju sa EU fondovima, ukazujući gostoprimstvo kolegama iz Ankare upoznao je goste sa radom i aktivnostima komorskog sistema Federacije BiH.

Gospodin Murat Fatsa se zahvalio na prijemu, te istakao interes za tješnju saradnju sa kolegama iz Centra za međunarodnu i saradnju sa EU P/G Komore FBiH, sa kojim su i do sada bili u kontaktu.

Gosti su upoznati sa potencijalima kojima raspolaže Bosna i Hercegovina a koji su zbog nedostatka investicija u velikoj mjeri neiskorišteni.

Fokus je stavljen na zajedničke aktivnosti u domenu organiziranja B2B susreta privrednika dviju zemalja, prenosa i razmjene znanja i primjera dobrih praksi u domenu edukacija, prekvalifikacija kao i zajedničkih nastupa u procesima apliciranja prema aktuelnim EU Projektima.

Emir Pašić dipl.ecc
e.pasic@kfbih.com

Održani bilateralni susreti privrednika turske asocijacije ASKON iz Konje i BH privrednika

Delegacija privrednika turske asocijacije ASKON iz Konje, koju je predvodio gospodin Atilla Sinaci, boravila je u dvodnevnoj posjeti Privrednoj komori Federacije. Ova posjeta je upriličena na inicijativu ekonomskog odjela Ambasade Republike Turske i Centra za međunarodnu saradnju PKFBiH.



Dana 15.10.2015. godine turska delegacija od dvadeset firmi pretežno metalnog sektora, je nakon posjete tradicionalnom sajmu „Dani jabuke“ u Goraždu posjetila firmu Bekto Precisa.

U toku jednosatnog obilaska pogona firme Bekto Precisa, gospodin Mensur Brdar je upoznao goste sa profilom i poslovnim potencijalom ove uspješne BH firme.

Gosti su iskazali interes za prezentirani proizvodni program i očekivati je u narednom periodu dalje kontakte radi otpčinjanja poslovne saradnje.

Drugoga dana posjete, 16.10.2015.godine u P/G Komori FBiH su održani bilateralni sastanci između turskih i bosanskohercegovačkih firmi, pretežno metalnog sektora. Bilateralnim susretima su prisustvovala slijedeće domaće firme iz sektora metalne industrije: Sur Tec-Eurosaj, Femetal, TAG, MDG International, GRAMAS, Angel Group, JET, GHIALES, UNIS Tools, FORESTER.



Prisutnima su se obratili potpredsjednik P/G komore FBiH, gospodin Mirsad Jašarspahić, i potpredsjednik VTK BiH, gospodin Bruno Bojić, koji su nakon ukazane dobrodošlice još jednom pozvali turske privrednike da ostavarujući tješnju saradnju sa domaćim firmama ulažu u BiH, te zajedno nastupaju na turskom kao i na trećim

tržištima.

Nakon što se prisutnima se obratio i predstavnik turske delegacije, gospodin Atilla Sinaci, zahvaljujući na ukazanom gostoprimstvu, gospođa Nina Pobrić je ispred FIP-e BiH gostima prezentirala potencijale i prednosti ulaganja u Bosnu i Hercegovinu.

Gospodin Almin Mališević, direktor sektora industrije P/G komore FBiH prezentirao je prisutnima potencijale metalnog sektora FBiH, nakon čega su prisutne domaće i turske firme započele sa direktnim razgovorima o mogućim zajedničkim poslovnim aktivnostima.

CENTAR ZA MEĐUNARODNU I SARADNJU SA EU
FONDOVIMA
Emir Pašić dipl.ecc



PRIVREDNA/GOSPODARSKA KOMORA
FEDERACIJE BOSNE I HERCEGOVINE
CHAMBER OF ECONOMY OF THE FEDERATION OF BOSNIA AND HERZEGOVINA



ASC mašinogradnja i obrada metala



Nakon dva veoma uspješna događaja na ovu temu i nove godine Ured Trgovinskog savjetnika austrijske ambasade je organizovao događaj na temu „Mašinogradnja i obrada metala“. Cilj je bio spojiti uspješne austrijske i bosanskohercegovačke kompanije iz oblasti mašinogradnje i obrade metala.

Austria Showcase je održan 15. oktobra 2015. godine, u Hotelu Central u Vitezu.

Prisutnima su se obratili gospodin Sigmund Nemeti, Trgovinski savjetnik austrijske ambasade za Bosnu i Her-

cegovinu, gospodin Osman Buza, Pomoćnik Ministra za poduzetništvo, razvoj i obrt Ministarstva za privredu Zeničko-dobojskog kantona i gospodin Mirsad Jašarspahić, Potpredsjednik Privredne/Gospodarske komore Federacije Bosne i Hercegovine.

Gospodin Jašarspahić je u svom govoru predstavio Privrednu/Gospodarsku komoru Federacije Bosne i Hercegovine i ulogu koju ona ima u kreiranju boljeg poslovnog okruženja za sve firme koje egzistiraju na ovom području. Takođe, prepoznao je i Ured Trgovinskog savjetnika austrijske ambasade, kao budućeg strateškog partnera za formiranje povoljnijih uslova poslovanja i povezivanja bosanskohercegovačkih i austrijskih kompanija.

Nakon pozdravnih i uvodnih govora, predstavile su se austrijske kompanije, koje su uzele učešća na ovom događaju:

- Weidmüller GmbH,
- ELIN Motoren GmbH,
- IMR Fabrikautomation GmbH, - Bullseye Marketscore GmbH,
- mpsteel e.U., - Sparkasse Bank,
- Sparkasse Leasing, - Next Generation Recyclingmaschinen GmbH.

Direktor sektora za industriju i usluge u P/G komori



FBiH, gospodin Almin Mališević je održao prezentaciju na temu „Potencijala metalnog sektora“, te u svom izlaganju dao smjernice austrijskim privrednicima kako i gdje na najbolji način ulagati u našoj zemlji, sa posebnim osvrtom na povlastice koje strani investitori mogu koristiti u našoj zemlji.

Kao primjer dobre prakse, slijedila je prezentacija firme PREIS USORA d.o.o. - društva za proizvodnju metalnih konstrukcija i njenih dijelova, te diskusija i bilateralni razgovori predstavnika prisutnih kompanija, koji su mogli neposredno razgovarati o mogućnostima potencijalne saradnje.

Andreja Softić, dipl.ecc

MANN&HUMMEL primjer uspješne privatizacije



29.10.2015. godine u Tešnju održana je svečanost kojom je ova kompanija obilježila deset godina uspješne privatizacije i poslovanja.

Predsjednik Privredne/Gospodarske komore Federacije BiH, gospodin Mirsad Jašarspahić, je uzeo aktivno učešće na Panel diskusiji pod nazivom „Pozitivni aspekti privatizacije Mann&Hummel BA“, koja je održana u poslovnom centru „UKUS“, na kojoj su se kroz diskusiju iznijele prednosti koje MHBA ima na lokalnu zajednicu, ali i kao dio globalne korporacije Mann&Hummel.

Ova društveno-odgovorna kompanija koja u prvi plan stavlja ljude, ističe svoj glavni moto „It’s all about people“. Mann&Hummel je među vodećim kompanijama u regiji koji ulažu u edukaciju zaposlenika, a zaposlenici firme se edukuju u Njemačkoj, Španiji, Češkoj, Argentini...

Specifično za ovu kompaniju koja se bavi proizvodnjom filtera za autoindustriju, jeste da je pored vlastitog brenda MANN HUMMEL zadržala i brend „UNICO FILTER“.

Ono što se može dodati za ovu kompaniju jeste da je razvila filter za prečišćavanje voda i to je jedna posebna divizija, obećavajuća djelatnost koja stalno jača.

Uz čestitke za dosadašnji uspješan rad, kompaniji „Mann&Hummel BA“ želimo još uspješnije buduće poslovanje, nadajući se da će ova uspješna privatizacijska priča biti uzor mnogima koji žele investirati u Bosnu i Hercegovinu.



Almin Mališević, dipl.ing maš.

Primjer privatizacije tešanjске fabrike za proizvodnju filtera je zasigurno jedan od najuspješnijih u našoj zemlji i regionu.

Fabrika filtera „Unico filter“ u Tešnju osnovana je daleke 1974. godine, upravo zahvaljujući ugovoru sa njemačkim „Mann&Hummel“-om i veoma uspješno je poslovala proizvodeći visoko kvalitetne filtere u automobilskoj industriji. Unico filter je postao jedan od najprepoznatljivijih bh.brendova.

Potpisivanjem ugovora o privatizaciji ove kompanije 2005. godine kupac MANN HUMMEL postaje većinski vlasnik ove kompanije. Ugovor je podrazumijevao da novi većinski vlasnik u naredne tri godine investira tri miliona maraka u fabriku i na poslu zadrži 425 radnika. Deset godina poslije koncern iz Njemačke je u tešanjsku fabriku investirao 27 miliona maraka i primio oko 150 novih radnika, tako da broj uposlenih sada premašuje 580. Uz fabriku uspješno posluju brojne prateće kompanije, dobavljači i kooperanti. Posebno je značajna činjenica da tešanjска fabrika posjeduje sve certifikate, od standarda kvalitete, do zaštite okoliša i izvozi 90 posto proizvodnje, od čega čak 70 posto na zahtjevno tržište EU.



U posljednjih 20 godina kompanije širom svijeta su automatizovale svoj proces izdavanja računa sa ciljem da iskoriste prednosti na polju uštede i efikasnosti koje donose e-računi. Procjenjuje se da kompanije mogu uštediti i do 80% trenutnih troškova fakturisanja ako bi automatizovali ovaj proces i izbacile papirne račune i ručnu obradu. E-računi postaju standard i u Bosni i Hercegovini i sve veći broj firmi, bez obzira na veličinu, nastoji da implementira e-račun u određenom obliku.

Firma Loop d.o.o. Sarajevo je sredinom 2014. godine učinila dostupnim javnosti i korisnicima ElGato portal za e-račune. ElGato je napredna elektronska platforma za razmjenu elektronskih podataka između firmi (izdavaoca računa), korisnika i banaka (procesora plaćanja) i predstavlja digitalni eko sistem koji je u mogućnosti da podrži potpuno automatizovan proces e-računa. Prednosti i koristi koje ostvaruju izdavaoci računa se ogledaju u značajnom smanjenjenju troškova administracije računa, pouzdanoj distribuciji računa, zadovoljstvu korisnika i jednostavnom povezivanju sa bankama i procesorima plaćanja. Dodatno, ElGato pruža potpuno zatvoren sigurnosno-pravni aspekt e-računa koji se realizuje implementacijom sigurnosnih tehnologija i rješenja, te od tima

pravnih stručnjaka razvijenih "Opštih uslova" korištenja koje su obavezni prihvatiti svi učesnici u razmjeni.

Putem ElGato platforme korisnici usluga su u mogućnosti plaćati račune putem različitih kanala, a to je omogućeno kroz Procesore (banke) koje su takođe korisnici ElGato-a.

ElGato je gotova platforma koja se koristi u obliku "Softvera kao Usluge", tako da korisnici ne moraju investirati sredstva u razvoj vlastitog proizvoda ili novih funkcionalnosti, već ostaju fokusirani na svoje osnovno poslovanje, a za poslove podrške imaju mjerljiv operativni trošak koji ima tendenciju konstantnog smanjivanja usljed ekonomije obima.



Prednosti ElGato e-računa

Ušteda i efikasnost su dvije osnovne prednosti koje donose e-računi.

Svi učesnici u ElGato sistemu ostvaruju koristi od uvođenja e-računa.

Prednosti i koristi za firme, izdavaoce računa su:

- značajno smanjenje troškova printanja, arhiviranja i dostave računa, kao i smanjenje troškova vezanih za administraciju računa,
- pouzdana distribucija – eliminišu se greške usljed ručne administracije računa i račun se dostavlja korisniku pravovremeno i sigurno,
- zadovoljstvo korisnika – korisnici sigurno i pravovremeno primaju račune na jednom mjestu, stižu im obavijesti o prijemu računa, dospijeću i statusu plaćanja, imaju uvid u stanje potrošačke kartice, nije potrebno da ručno prepisuju podatke na uplatnice već kroz integraciju sa procesorima plaćanja račune mogu jednostavno platiti putem elektronskog bankarstva, na brzim blagajnama ili putem trajnog naloga,
- poslovno-tehnološke prednosti – izdavaoci računa ne moraju investirati u integracijsku infrastrukturu i u dodatni razvoj već koriste ElGato u obliku „Softvera kao Usluge“. Firma ostaje fokusirana na svoje osnovno poslovanje, dok za poslove podrške izdvaja sredstva u obliku operativnog troška koji ima tendenciju konstantnog smanjivanja usljed ekonomije obima,
- koristi jednostavnog povezivanja – jedan interface za povezivanje sa korisnicima, poslovnim partnerima i procesorima plaćanja,
- potpuno zatvoren pravni aspekt e-računa – pravni dio ElGato sistema je realizovan od strane tima pravnih stručnjaka za usklađenost sa relevantnim zakonskim propisima u Bosni i Hercegovini,
- mogućnoast integracije sa core sistemom – ElGato je standardizovana platforma koja nudi mogućnost potpune automatizacije procesa vezanih za račune. U skladu sa nivoom razvoja informacione tehnologije kod izdavaoca, ElGato može biti direktno integrisan sa ERP sistemom,
- iskoristivost na drugim projektima – zahvaljujući sinergiji i strateškim usmjerenjima kompanija Loop i PING, korisnici ElGato sistema mogu realizovati i druge projekte na polju informacionih tehnologija.



Loop d.o.o. je preduzeće osnovano 2007. godine i nošeno je idejom da postane tržišni i tehnološki lider u oblasti ponude softvera kao usluge (Software as a Services). Ideja vodilja je kreiranje softverskih rješenja kao odgovor na neke od ključnih izazova i problema sa kojima se susreću krajnji korisnici, prvenstveno pojedinci i male kompanije, te omogućavanje korištenja savremenih tehnologija u svakodnevnom radu i životu.

Za sve dodatne informacije možete nas kontaktirati na telefon +387 33 262 650 ili na e-mail info@loop.ba

4. novembar

Svjetski dan klimatskih promjena



Svjetski dan klimatskih promjena je dan tokom kojeg se u cijelom svijetu organiziraju različite aktivnosti i kampanje kako bi se ukazalo na negativne posljedice koje ovakve promjene izazivaju. Očuvanjem biološke raznolikosti, održivim korištenjem prirodnih resursa, smanjenjem zagađenja i pretjerane potrošnje energije, kako vjeruju naučnici, može se usporiti neminovni tok klimatskih promjena i posljedice istih. Za promjene registrirane prethodnih, kao i za one koje se predviđaju za narednih 80 godina, smatra se da su nastale kao rezultat čovjekovih aktivnosti a ne kao posljedica prirodnih promjena u atmosferi.

Efekat staklenika je veoma važan kad se govori o klimatskim promjenama pošto se odnosi na plinove koji planetu Zemlju održavaju toplom i kojima pripada najveća zasluga za postojanje života na njoj. Najnovije studije pokazuju da su klimatske promjene i globalno zagrijavanje direktno prouzrokovale nestajanja pojedinih vrsta organizama.

Procjena je da će klimatske promjene do 2100. godine dovesti do povećanja temperature na Zemlji za 1,4°C–5,8°C. Ovaj negativni efekat klimatskih promjena izazivaju razne vremenske nepogode koje su prouzrokovale brojne katastrofe, pogađajući pojedine dijelove planete i izazivajući neprocjenjivu štetu privredi i društvu u cjelini.

Na svjetskom nivou održan je niz skupova s ciljem pronalaženja mehanizama za ublažavanje klimatskih

promjena. Cilj Okvirne konvencije UN o klimatskim promjenama, usvojene 1992. godine na samitu u Riju, jeste ograničavanje emisija stakleničkih plinova uzrokovanih ljudskim aktivnostima na nivo koja bi spriječio bilo kakav negativan efekat na klimu. Tokom godina postignut je naučni konsenzus, podstaknut radom IPCC-a (Međuvladin panel o klimatskim promjenama), kojim se utvrdilo da je globalno zagrijavanje potrebno zadržati ispod 2°C do 2100. godine u odnosu na 1750. godinu. Protokol iz Kyota, koji je na snazi od 2005. godine, trenutno je jedini pravno obavezujući međunarodni instrument za smanjenje stakleničkih plinova. Amandmanom iz Dohe njegova primjena produžena je do 2020. godine.

Kao odgovor na izazov klimatskih promjena, Francuska će od 30. novembra do 11. decembra ove godine predsjedavati 21. konferencijom stranaka Okvirne konvencije UN-a o klimatskim promjenama pod nazivom COP21, koja bi trebala iznjedrati ambiciozan međunarodni sporazum kao rezultat očekivanja stanovništva pogođenog tim promjenama. Ova konferencija je jedan od najvećih međunarodnih događaja u 2015. godini a njen izazov je ogroman: obuzdati klimatske promjene koje ugrožavaju naša društva i ekonomije. Glavni cilj ove konferencije je usvajanje globalnog sporazuma koji će postaviti okvir za tranziciju ka društvima i ekonomijama s niskim udjelom ugljika spremnih za suočavanje sa klimatskim promjenama. Budući međunarodni sporazum se prvenstveno treba odnositi na ujednačeno ublažavanje, tj. nastojanje da se smanje emisije stakleničkih plinova i na prilagođavanje društava postojećim klimatskim promjenama. Osim konferencije COP21, svaka zemlja treba objaviti svoj državni program kojeg će pojedinačno realizirati. Drugi cilj konferencije je da države, međunarodne organizacije i privatni sektor od 2020. godine angažuju 78 milijardi eura godišnje za zemlje u razvoju, kao finansijsku pomoć u oblasti ublažavanja klimatskih promjena.

Što se tiče Evropske unije, ona zauzima važno mjesto u pregovorima o klimi. EU aktivno promovira usvajanje pravno obavezujućeg sporazuma kojim bi se svim zemljama potpisnicama dodijelile jednake i ambiciozne obaveze a koje bi dovele do globalnog smanjenja emisija stakleničkih plinova za najmanje 60% do 2050. godine (u odnosu na 2010.). Unija se sa svoje strane obavezuje smanjiti emisije stakleničkih plinova za najmanje 40% do 2030. godine (u odnosu na 1990.) te za najmanje 80% do 2050. godine.



Pripremila: L. Sadiković

Simpozij

“Energetski efikasna sanacija i gradnja u zgradama“



Predstavništvo njemačke privrede u BiH organiziralo je u Sarajevu njemačko-bosanskohercegovački simpozij o temi “Energetski efikasna sanacija i gradnja u zgradama“. Cilj simpozija bio je istaknuti potencijale za smanjenje ukupne potrošnje energije te prikazati odgovarajuće mjere za provođenje istih. Tokom simpozija istaknuto je da postoji čitav niz mjera kako bi se povećala energetska efikasnost. Već su i poneki mali koraci u sva-

kodnevnom procesu rada dovoljni da se vide pomaci u uštedi energije. Ključne oblasti bitne za ostvarivanje definiranih ciljeva Evropskog vijeća 20-20-20 (20% niži staklenički plinovi, 20% više energije iz obnovljivih izvora, 20% povećanje energetske efikasnosti do 2020. godine) su transport, stambeni i industrijski sektor.

U radu simpozija, održanog 10. novembra, učešće su uzeli stručnjaci iz oblasti energetske efikasnosti kao i predstavnici zainteresiranih firmi iz Njemačke i BiH. Osim što je bio informativnog karaktera, s naglaskom na podršku razmjeni iskustava između njemačkih i bh. stručnjaka, institucija i firmi iz oblasti energetske efikasnosti, simpozij je također omogućio učesnicima uspostavljanje novih poslovnih kontakata i podstaknuo saradnju s njemačkim kompanijama koje već uspješno rade u ovom sektoru. Simpozij je održan u okviru njemačke izvozne inicijative za oblast energetske efikasnosti (Exportinitiative Energieeffizienz) uz podršku njemačkog Saveznog ministarstva privrede i energije.

Lejla Sadiković

Mjesto poslovnog susreta Drugi RENEXPO® BiH



Po drugi put u Bosni i Hercegovini, u Sarajevu je 4. i 5. novembra održan 2. međunarodni sajam i konferencija o obnovljivim izvorima energije i energetske efikasnosti – RENEXPO® BiH. Ova manifestacija okupila je veliki broj predstavnika institucija i poslovne zajednice, odnosno investitora, donosioca odluka, kao i poslovnih rukovodilaca iz sektora energetske efikasnosti i obnovljivih izvora energije.

Na izlagačkim štandovima posjetiocima su se predstavili regionalni i međunarodni lideri iz oblasti biogasa, biomase, hidroenergije i energetske efikasnosti i to kao pro-

jektanti ili proizvođači opreme u industriji, zgradarstvu i rasvjeti.

Tokom dva dana trajanja, održano je nekoliko specijaliziranih konferencija koje su pratile program sajma a na kojima su učestvovali stručnjaci iz regiona sa višegodišnjim praktičnim iskustvom u navedenim oblastima. Teme konferencija obuhvatale su hidroenergiju, biomasu, geotermalne projekte na lokalnom nivou, energetske efikasnost u zgradarstvu, prezentirajući aktuelne probleme ali i uspješne primjere i rješenja u praksi, te nove projekte.

Lejla Sadiković



UTVRĐEN NACRT ZAKONA O IZMJENAMA I DOPUNAMA ZAKONA O ZAŠTITI OD NASILJA U OBITELJI

Nacrtom zakona o izmjenama i dopunama Zakona o zaštiti od nasilja u obitelji, koji je na 29.sjednici održanoj dana 05.11.2015.godine u Sarajevu utvrdila Federalna vlada, obuhvaćen je i pojam sigurne kuće radi osiguranja sigurnog privremenog smještaja i potpore žrtvama nasilja u obitelji kojima je ugrožen život i kojima zaštita i sigurnost ne mogu biti pruženi u njihovom domu.

Sigurna kuća se osniva sukladno Zakonu o ustanovama, a sredstva za financiranje privremenog zbrinjavanja žrtve nasilja u sigurnoj kući osiguravaju se iz proračuna Federacije BiH u iznosu od 70 posto i iz proračuna kantona 30 posto, od utvrđene cijene smještaja žrtve nasilja u sigurnoj kući.

ŽOdluku o visini cijene privremenog zbrinjavanja žrtve nasilja u sigurnoj kući donosi federalni ministar rada i socijalne politike za svaku kalendarsku godinu, koji će, u roku od šest mjeseci od dana stupanja Zakona na snagu, donijeti i Pravilnik o uvjetima prostora, opreme i kadra za sigurne kuće i registru sigurnih kuća u FBiH.

Status sigurne kuće stječe se izdavanjem rješenja kojim se potvrđuje da su ispunjeni zakonom propisani uvjeti i upisom u Registar, koji vodi Federalno ministarstvo rada i socijalne politike.



UTVRĐEN PRIJEDLOG ZAKONA O IZMJENAMA I DOPUNI ZAKONA O PRIPADNOSTI JAVNIH PRIHODA U FBiH

U Prijedlogu zakona o izmjenama i dopuni Zakona o pripadnosti javnih prihoda u FBiH, utvrđenom na 29.sjednici održanoj dana 05.11.2015.godine i upućenom u parlamentarnu proceduru po žurnom postupku, jedna od novina je da je za financiranje funkcija kantona propisano 51,23 posto, umjesto dosadašnjih 51,48 posto od prihoda s Jedinstvenog računa.

Dodana je i odredba da je za financiranje funkcija Grada

Sarajeva namijenjeno 0,25 posto prihoda. Također, promijenjen je s 2,0000 na 1,9658 koeficijent koji odražava posebne potrebe Kantona Sarajevo.

Ključni razlog za žurni parlamentarni postupak je taj što je Prijedlog izmjena i dopuna Zakona sukladan presudi Ustavnog suda Federacije BiH od 10.6.2015. godine, kojom je utvrđena povreda prava na lokalnu samoupravu Grada Sarajeva zagwarantirana odredbama Ustava Federacije BiH, Europske povelje o lokalnoj samoupravi, te Zakona o načelima lokalne samouprave u Federaciji BiH. Temeljem novog zakonskog rješenja, Grad Sarajevo se uključuje u izravnu raspodjelu prihoda od neizravnih poreza prikupljenih na Jedinstvenom računu.

Stupanjem na snagu izmjena i dopuna Zakona, u izravnu raspodjelu prihoda od neizravnih poreza uključene su sve općine Kantona Sarajevo kojima su do sada pripadajuća sredstva po osnovu neizravnih poreza transferirana iz proračuna Kantona Sarajevo. Na ovaj način su općine Kantona Sarajevo dovedene u ravnopravan položaj sa ostalima u Federaciji BiH.

S obzirom na kompleksnost funkcioniranja sistema jedinstvenog računa i raspodjele prihoda između korisnika u Federaciji BiH, predloženo usaglašeno rješenje je rezultat dvogodišnjeg rada međuresorne radne skupine za analizu i pripremu rješenja u oblasti pripadnosti javnih prihoda u Federaciji BiH.

UTVRĐEN PRIJEDLOG ZAKONA O IZMJENAMA I DOPUNAMA ZAKONA O ELEKTRIČNOJ ENERGIJI U FBiH

Vlada Federacije BiH je 29.sjednici održanoj dana 05.11.2015.godine utvrdila Prijedlog zakona o izmjenama i dopunama Zakona o električnoj energiji i uputila ga Parlamentu FBiH na usvajanje po hitnoj proceduri.

Jedna od izmjena odnosi se na brisanje stava 9. iz člana 116. Zakona kojim je regulisano da ovlaštenja po osnovu državnog kapitalna u postojećim elektroprivrednim društvima, i u društvima koja nastanu nakon restrukturiranja elektroenergetskog sektora, vršiti Ministarstvo. Među razlozima za ovu izmjenu navedeno je da Zakon o električnoj energiji treba da reguliše samo oblast elektroenergetskog sektora.

Proširen je član 4. Zakona odredbom da se elektroenergetska strategija Federacije BiH izrađuje u skladu s međunarodnim normama i standardima Evropske unije, uključujući i ekološke standarde i principe očuvanja životne sredine.

Izmjene su urađene i u dijelu Zakona koji se odnosi na kaznene odredbe i usklađene su sa Zakonom o prekršajima.



RASPRAVLJANO O RADNOM TEKSTU PRO- RAČUNA FBiH ZA 2016. GODINU

Vlada Federacije BiH razmatrala je 29. sjednici održanoj dana 05.11.2015. godine radni tekst Proračuna Federacije BiH za 2016. godinu.

Struktura rashodovne strane Proračuna predstavlja odraz nastavka provedbe mjera restriktivne javne potrošnje, što je jedan od prioriteta ekonomske politike i u narednim godinama. Fiskalna politika Vlade Federacije BiH će i u 2016. godini orijentirana na aktivnosti koje će doprinijeti ekonomskom i socijalnom snaženju Federacije BiH, odnosno Bosne i Hercegovine.

Federalna vlada danas je razmatrala i radni tekst Zakona o izvršavanju Proračuna FBiH za 2016. godinu.

Dva danas razmatrana radna materijala će se, prije utvrđivanja nacrtu, ponovo naći na sjednici Federalne vlade nakon što federalni ministri o njima dostave pisane prijedloge i sugestije.

AUKCIJE TREZORSKIH ZAPISA I OBVEZNICA

Federalna vlada usvojila je 29. sjednici održanoj dana 05.11.2015. godine Izvještaj o zaduženju Federacije BiH po osnovu emisije trezorskih zapisa na dan 13.10.2015. godine, koji će uputiti Parlamentu FBiH radi informiranja. Na aukciji održanoj 13.10.2015. godine Federacija BiH je ponudila 2.000 trezorskih zapisa nominalne vrijednosti 10.000 KM po zapisu (ukupno 20.000.000 KM), s rokom dospjeća od 182 dana. Prihvaćeno je osam ponuda za kupovinu i prodano svih 2.000 trezorskih zapisa ukupne nominalne vrijednosti 20.000.000 KM. Trezorski zapisi prodani su po prosječnoj ponderisanoj kamatnoj stopi od 0,35 posto na godišnjem nivou.

Danas je usvojen i Izvještaj o zaduženju FBiH po osnovu emisije obveznica na dan 20.10.2015. godine, koji će, također, biti upućen Federalnom parlamentu. Riječ je o aukciji na kojoj je prodano svih 30.000 ponuđenih obveznica ukupne vrijednosti 30.000.000 KM. Obveznice su prodane po prosječno ponderisanoj kamatnoj stopi od 3,056 posto na godišnjem nivou.

DEVETOMJESEČNO IZVRŠENJE PRORAČUNA FBiH

Ukupno ostvareni prihodi, primici i financiranja Proračuna FBiH za devet mjeseci 2015. godine iznose 1.510,5 milijuna KM, što je 65 posto planiranog. Od ovoga, poreski prihodi iznose 947 milijuna KM, neporeski bilježe ostvarenje od 244,5 milijuna KM, prihodi od donacija su 0,6 milijuna KM, te primici od financiranja 318,3 milijuna KM. Realizacija naplate prihoda za devet mjeseci značajno odstupa u odnosu na planiranu dinamiku priliva, odnosno naplaćeni prihodi bilježe podbačaj od 240,1 milijuna KM, što je u procentima manje za 13,8 posto.

Najznačajniji podbačaj zabilježen je kod prihoda od dividendi koji su planirani u iznosu od 120 milijuna KM, a izvršeni s 79,8 milijuna KM. Kod financiranja također nije došlo do realizacije prihoda od inozemnog zaduživanja koje je planirano u iznosu od 254 miliona KM (200 milijuna KM od MMF-a i 54 milijuna KM od Svjetske banke). Značajan podbačaj je evidentiran i kod prihoda od poreza na dobit.

U odnosu na isto razdoblje 2014. godine, ukupno ostvareni prihodi, primici i financiranje manji su za 16 posto ili u apsolutnom iznosu za 284,9 milijuna KM.

Iako su ukupni prihodi, primici i financiranja manji u odnosu na isto razdoblje prethodne godine, promatrano analitički, većina kategorija prihoda bilježi rast. Tako prihodi od neizravnih poreza koji pripadaju Federalnom proračunu bilježe porast od 12 posto, odnosno veći su za 73,9 milijuna KM, a prihodi od povrata anuiteta (sredstva krajnjih korisnika za otplatu kredita) bilježe rast od 73 posto, odnosno veći su za 40,8 milijuna KM.

KONKURENTNOST BiH 2015.-2016. GODINA

Vlada FBiH razmatrala je 29. sjednici održanoj dana 05.11.2015. godine Izvještaj o globalnoj konkurentnosti 2015.-2016. Svjetskog ekonomskog foruma i donijela više zaključaka.

Između ostalog, Vlada Federacije BiH danas je zadužila sva federalna ministarstva da, prilikom planiranja redovnih, planiraju i aktivnosti koje će dovesti do povećanja konkurentnosti domaće privrede, u skladu s dokumentom „Konkurentnost 2015-2016 Bosna i Hercegovina” i obavezama regulisanim Sporazumom o stabilizaciji i pridruživanju između BiH i članica EU.

Vlada je uputila inicijativu Vijeću ministara BiH i nadležnom Ministarstvu vanjske trgovine i ekonomskih odnosa BiH (MVTEO) da što prije uspostave funkcionisanje mehanizama koordinacije na državnom nivou vezano za praćenje, unapređenje i mjerenje konkurentnosti, posebno u dijelu koji se odnosi na implementaciju akta o malim srednjim preduzećima.

O PROBLEMIMA FINANSIRANJA ZDRAVSTVA U FBiH

Vlada FBiH usvojila je na 29. sjednici održanoj dana 05.11.2015. godine Informaciju o problematici finansiranja sektora zdravstva u Federaciji BiH, sa osvrtom na kliničke centre i potrebu saniranja utvrđenih gubitaka zdravstvenog sektora.

S tim u vezi, Vlada je zadužila Federalno ministarstvo zdravstva da, u saradnji sa ovlaštenim resornim federalnim ministarstvima, pripremi Prijedlog zakona o finansijskoj konsolidaciji javnih zdravstvenih ustanova u FBiH, i da se donošenje ovog zakona kandidira u hitnoj



proceduri.

Resorno federalno ministarstvo također je obavezano da poduzme aktivnosti na pripremi prijedloga projekta restrukturiranja zdravstva u FBiH, s procjenom troškova i mogućih izvora finansiranja, te da ga kandidira u Program javnih investicija Federacije Bosne i Hercegovine 2017.-2019., kao i da, u saradnji sa Zavodom zdravstvenog osiguranja i reosiguranja FBiH, od Vlade Federacije BiH pribave mišljenje i stav vezano za odredbe Zakona o finansijskoj konsolidaciji koje se tiču raspolaganja dionica konsolidiranih privrednih društava.

Federalno ministarstvo finansija i Poreska uprava Federacije BiH su zaduženi da pripreme Prijedlog zakona o visini stope zatezne kamate na javne prihode s ciljem stvaranja pravnog osnova za otpis kamate javnim zdravstvenim ustanovama koja je nastala po osnovu dospjelih, a nenaplaćenih javnih prihoda.

Vlada FBiH će se obratiti vladama kantona da sačine i dostave joj informacije o poslovanju, duhu i javnim prihodima za zdravstvene ustanove čiji su osnivači.

UTVRĐENI AMANDMANI NA PRIJEDLOG ZAKONA O IZMJENAMA I DOPUNAMA ZAKONA O DRŽAVNOJ SLUŽBI U FBiH

Vlada Federacije BiH je, na 28.sjednici održanoj dana 22.10.2015.godine današnjoj sjednici u Mostaru kojom je, po ovlaštenju premijera FBiH Fadila Novalića, predsjedavala zamjenica premijera FBiH i federalna ministrica finansija Jelka Milićević, utvrdila amandmane na Prijedlog zakona o izmjenama i dopunama Zakona o državnoj službi u FBiH.

Jednim od amandmana uvedena je odredba koja propisuje da se rukovodeći državni službenici, izuzev savjetnika, u tijelima državne službe zapošljavaju putem javnog konkursa kojeg provodi tijelo državne službe koje ga upošljava s ciljem transparentnosti i zakonitosti procedure upošljavanja istih.

Novina je i da je rukovodećim državnim službenicima, za razliku od državnih službenika, onemogućeno da budu članovi upravnih i nadzornih odbora federalnih zavoda, federalnih direkcija, federalnih agencija i privrednih društava sa učešćem državnog kapitala.

Utvrđen je i amandman kojim su usaglašene odredbe Zakona o državnoj službi u Federaciji BiH sa Zakonom o radu.

UTVRĐEN NACRT ZAKONA O HRANITELJSTVU U FEDERACIJI BiH

U sklopu reforme socijalne zaštite u Federaciji BiH, Vlada Federacije BiH je 28.sjednici održanoj dana 22.10.2015.godine i u parlamentarnu proceduru uputila Nacrt zakona o hraniteljstvu.

Postojeće stanje u oblasti hraniteljstva u FBiH karakterizira neharmoniziran, nepotpun i nedovoljno osnažen sistem socijalnog zbrinjavanja najranjivijih kategorija stanovništva, djece i odraslih bez porodičnog staranja, koji nije usklađen s međunarodnim standardima i potrebama hranjenika. Ovo ukazuje na neophodnost harmoniziranja i usklađivanja pravnog okvira i prakse s međunarodnim standardima.

U smislu Nacrta zakona, hraniteljstvo je oblik zaštite izvan vlastite porodice kojim se djetetu ili odrasloj osobi osiguravaju smještaj i zaštita u hraniteljskoj porodici koju čine hranitelj, njegov bračni ili vanbračni partner i drugi srodnici s kojima hranitelj živi u zajedničkom domaćinstvu.

Hranitelju pripada naknada za njegov rad, pruženu zaštitu i uloženi trud u zbrinjavanju hranjenika, a namijenjena je izdržavanju hranjenika (troškovi smještaja i druge potrebe). Visina hraniteljske naknade ovisi o broju i vrsti smještenih hranjenika, a osnovica za izračun je prosječna neto plata isplaćena u FBiH prema objavljenom podatku Federalnog zavoda za statistiku za prethodnu godinu. Mjesečna naknada hranitelju po jednom hranjeniku iznosi 25 posto osnovice, a uvećava se za 15 posto za svakog narednog hranjenika. Izuzetno, mjesečna naknada za specijalizirano hraniteljstvo iznosi 40 posto od osnovice i uvećava se za 20 posto za svakog narednog hranjenika.

Hraniteljstvo se obavlja na osnovu ugovora o međusobnim pravima i obavezama koji sklapaju centar za socijalni rad i potencijalni hranitelj.

U odnosu na potrebe hranjenika, hraniteljstvo može biti tradicionalno, specijalizovano, hitno i povremeno.

Osoba koja želi biti hranitelj mora biti državljanin Bosne i Hercegovine, punoljetna, imati prebivalište u FBiH, poslovnu i zdravstvenu sposobnost, te najmanje srednjoškolsko obrazovanje. Uz to, mora dokazati da članovi hraniteljske porodice nemaju neizmirenih poreskih obaveza. Treba imati kompetencije za zaštitu, čuvanje, njegu, odgoj i zadovoljavanje drugih potreba, prema stručnoj procjeni centra, kao i stambene i materijalne uslove.

Vlada FBiH danas je usvojila i dokument Federalnog ministarstva rada i socijalne politike "Javne politike o razvoju hraniteljstva u Federaciji BiH".

IZMJENA I DOPUNA UREDBE O PLAĆANJU GOTOVIM NOVCEM

Vlada FBiH je 28.sjednici održanoj dana 22.10.2015.godine izmijenila i dopunila Uredbu o uvjetima i načinu plaćanja gotovim novcem.

Jedna od izmjena se odnosi na članak 8. Uredbe, po kojem su poslovni subjekti obvezni gotov novac, ostvaren obavljanjem registrirane djelatnosti, uplatiti na svoj račun otvoren kod ovlaštene organizacije istog, a najkasnije sljedećeg radnog dana.

Sada je sadržina ovog članka proširena tako da su, iznimno, poslovni subjekti čiji dnevni priljev gotovog novca ne



prelazi 200 KM, ili su udaljeni od ovlaštene organizacije 15 i više kilometara, dužni gotovi novac uplatiti najkasnije u roku od pet radnih dana, a priređivači igara na sreću, sukladno propisu kojim se propisuje priređivanje igara na sreću, dužni su novac za proteklih sedam dana, zaključno s nedjeljom, uplatiti najkasnije u sljedeći utorak.

Ukoliko je dnevni priljev gotovog novca ostvaren u petak, narednim radnim danom smatra se sljedeći ponedjeljak.

Nova je i odredba po kojoj se uplata gotovog novca na račun kod ovlaštenih organizacija i vođenje blagajne ne odnosi na poduzetnike koji porez na dohodak plaćaju u paušalnom iznosu.

Uz ostale izmjene i dopune, dodana je i odredba po kojoj je u trgovini na veliko zabranjeno plaćanje i naplaćivanje proizvoda u gotovom novcu.

SAGLASNOST

„ENERGOINVESTU” NA PRODAJU UDJELA

Vlada FBiH dala je 28.sjednici održanoj dana 22.10.2015. godine saglasnost na Odluku Nadzornog odbora privrednog društva „Energoinvest” d.d. Sarajevo o načinu i metodi prodaje 100 posto udjela u društvu „Energoinvest RTC-AMT” d.o.o. Sarajevo, javnim prikupljanjem ponuda u maloj privatizaciji.

U obrazloženju ovakve odluke je navedeno da „Energoinvest RTC-AMT” već duže nema ugovorenih poslova iz osnovne djelatnosti i da posluje s gubicima. Stoga je Nadzorni odbor „Energoinvest” d.d. Sarajevo donio zaključak da bude analizirana opravdanost postojanja ove firme kćerke.

O IZGRADNJI BLOKA 1

TERMOELEKTRANE “BANOVIĆI”

Vlada FBiH je na 28.sjednici održanoj dana 22.10.2015. godine prihvatila informaciju RMU „Banovići” d.d. Banovići o aktivnostima na izboru strateškog partnera za finansiranje i izgradnju Bloka 1 Termoelektrane „Banovići”, snage 350 MW u periodu od 27.8.2015. godine do 12.10.2015. godine. Vlada Federacije je dala saglasnost na predloženi Sporazum o strateškoj saradnji između RMU „Banovići” i kompanije Dongfang Electric Corporation Limited iz Kine, od 12.10.2015. godine. Također, dala je aglasnost i na predloženi Ugovor o inženjeringu, nabavci i izgradnji ovog energetskog objekta.

IZMJENE I DOPUNE UREDBE ZA STICANJE STATUSA TRENERA U PROVEDBI STRUČNOG OBRAZOVANJA I USAVRŠAVANJA DRŽAVNIH SLUŽBENIKA

Osnovni razlog zbog kojeg je Vlada FBiH, na 27.sjednici održanoj dana 15.10.2015.godine i u Sarajevu, donijela Uredbu o izmjenama i dopunama Uredbe o kriterijima za sticanje statusa trenera u provedbi stručnog obrazovanja i usavršava-

nja državnih službenika u organima državne službe u FBiH, jeste smanjenje troškova obuke u skladu s raspoloživim sredstvima za stručno usavršavanje državnih službenika.

Na ovaj način je Agenciji za državnu službu FBiH omogućeno i da na javan i transparentan način osigurava kvalitetnu stručnu osnovu (Lista trenera) potrebnu za provedbu stručnog obrazovanja i usavršavanja državnih službenika uz znatno manji utrošak sredstava nego kroz redovne tenderske procedure.

Javni poziv za trenere Agencija objavljuje na svojoj web-stranici i u dnevnim novinama najmanje jednom godišnje, a kandidate izvještava o rezultatima izbora elektronskim putem ili na drugi način, najkasnije šezdeset dana od dana objave javnog poziva.

Obračunska jedinica za održane obuke je 45 minuta u neto iznosu od 50 KM. Ukoliko je predviđena mogućnost rada predavača u paru, iznos naknade za održanu nastavnu jedinicu je 40 KM.

Za obuke u oblasti stranih jezika i informacionih tehnologija je za nastavnu jedinicu predviđen iznos od 30 KM, dok je za pripremu programa obuke, na zahtjev Agencije, neto iznos 200 KM.

PRIHVAĆENE PREPORUKE EUROPSKE KOMISIJE

Federalna vlada prihvatila je 28.sjednici održanoj dana 22.10.2015.godine preporuke Europske komisije sa sastanka Tehničkih konzultacija u sklopu Radne skupine za poljoprivredu i ribarstvo u oblastima poljoprivrede i ruralnog razvoja, ribarstva, sigurnosti hrane, veterinarstva i fitosanitarnih pitanja.

Vlada je zadužila Federalno ministarstvo poljoprivrede, vodoprivrede i šumarstva i Federalnu upravu za inspekcije poslove da, u okviru vlastitih nadležnosti, u razumno mogućem roku poduzmu sve neophodne aktivnosti na ispunjenju obveza preuzetih Sporazumom o stabilizaciji i pridruživanju između BiH i EU. Također su dužni, u najkraćem mogućem roku, dostaviti dodatna pojašnjenja i druge informacije koje zahtijeva Europska komisija.

Zadužen je Ured Vlade FBiH za europske integracije da pruži svu neophodnu stručnu i tehničku pomoć članovima Radne skupine za poljoprivredu, sigurnost hrane i ribarstvo u ime Federacije BiH sukladno Odluci o davanju suglasnosti za imenovanje članova radnih skupina za europske integracije koje će djelovati u sastavu pododbora za stabilizaciju i pridruživanje, kao i radu tijela za praćenje procesa reformi u Bosni i Hercegovini.

O POSLOVANJU PRIVREDNIH DRUŠTAVA IZ OBLASTI ENERGIJE U 2014. GODINI

Vlada FBiH usvojila je na 28.sjednici održanoj dana 22.10.2015.godine izvještaj Federalnog ministarstva energije, rudarstva i industrije o poslovanju privrednih društava iz



oblasti energije za 2014. godinu.

Prema ovom izvještaju, JP Elektroprivreda BiH ostvarilo je u prošloj godini ukupan prihod od 980,8 miliona KM, što je za 10,4 miliona KM ili za jedan posto više od planiranog. U odnosu na 2013. godinu prihodi su manji za 27,4 miliona KM ili za 2,7 posto. Ukupno ostvareni troškovi i rashodi u 2014. godini iznosili su 977,6 miliona KM, što je više od planiranih za 10,2 miliona KM ili za 1,1 posto. U odnosu na 2013. godinu troškovi i rashodi povećani su za 6,4 miliona KM ili 0,7 posto. U 2014. godini je EPBiH iskazala dobit od 3,2 miliona KM.

Privredno društvo za proizvodnju i transport gasa „BH Gas” d.o.o. Sarajevo je u prošloj godini ostvarilo ukupan prihod od 132.206.641 KM, što je u odnosu na isti period prethodne godine smanjenje za 21.811.562 KM ili 14,2 posto. Ostvareni ukupni rashodi iznosili su 130.722.587 KM, što je u odnosu na 2013. godinu smanjenje za 38.146.566 KM ili 22,6 posto. Ukupno ostvarena dobit u 2014. godini iznosi 1.484.054 KM. Ostvareni ukupan prihod privrednog društva „Terminali Federacije” d.o.o. Sarajevo iznosi 4.161.514 KM, što je u odnosu na isti period prethodne godine povećanje za 2.898.676 KM ili 229,5 posto. Ostvareni ukupni rashodi iznose 3.578.619 KM, što je u odnosu na isti period prethodne godine smanjenje za 712.921 KM ili 16,6 posto. U 2014. godini iskazana je dobit od 582.895 KM.

Ostvareni ukupan prihod privrednog društva „Energopetrol“ d.d. Sarajevo iznosio je 174.755.041 KM, što je u odnosu na isti period prethodne godine smanjenje za 4.754.666 KM ili 2,6 posto. Ukupni rashodi iznosili su 184.232.315 KM, što je u odnosu na isti period prethodne godine smanjenje za 7.023.821 KM ili 3,7 posto. U 2014. godini iskazani neto gubitak od 9.477.274 KM manji je za 19,3 posto nego u 2013. godini. Društvo je, na dan 31.12.2014. godine, iskazalo akumulirani gubitak od 185.626.909 KM, što je rezultiralo gubitkom iznad visine kapitala u iznosu od 100.742.159 KM. Finansijski izvještaj JP Elektroprivreda HZHB d.d. Mostar nije uvršten u integralni izvještaj o poslovanju privrednih društava iz oblasti energije u prošloj godini. Naime, na 24. Skupštini ovog društva, održanoj 29.6.2015. godine, izvještaj je razmatran, ali ne i usvojen.

O PROŠLOGODIŠNJIŠTETAMA OD NEVREMENA

Vlada FBiH je prihvatila izvješće o procijenjenoj šteti od prošlogodišnjih poplava i klizišta u Posavskom, Tuzlanskom, Zeničko-dobojskom, Srednjobosanskom, Bosansko-podrinjskom i Sarajevskom kantonu, te zadužila Federalno povjerenstvo za procjenu štete da Federalnom stožeru civilne zaštite dostavi Prijedlog odluke o odobravanju jednokratne novčane pomoći za saniranje dijela šteta općinama Posavskog, Tuzlanskog, Zeničko-dobojskog i Srednjobosanskog kantona.

Nakon detaljne analize dostavljenih izvješća (bez Unsko-sanskog kantona, koji Federalnom povjerenstvu nije dostavio

pokazatelje), utvrđeno je da ukupna procijenjena šteta na teritoriju Federacije BiH iznosi 1.414.983.980,28 KM.

Vlada je danas usvojila i izvješća o radu Federalnog stožera civilne zaštite i Federalnog povjerenstva za procjenu štete u 2014. godini. Federalno povjerenstvo za procjenu štete, Federalna uprava civilne zaštite i Federalno ministarstvo financija Vlada je zadužila da, u okviru vlastitih nadležnosti, prate korištenje i utrošak sredstava dodijeljenih na ime jednokratne novčane pomoći općinama za saniranje dijela šteta, te o tome pravodobno izvijeste Federalni stožer civilne zaštite i Vladu Federacije BiH.

PRIPREMA PROGRAMA EKONOMSKIH REFORMI 2016.-2018.

Na 28.sjednici održanoj dana 22.10.2015.godine Vlade FBiH usvojena je informacija o pripremi Programa ekonomskih reformi za razdoblje od 2016. do 2018. godine, s Planom aktivnosti i obvezama institucija koje u tome sudjeluju.

Nadležna federalna ministarstva Vlada je zadužila da do 5.12.2015. godine dostave finalne dokumente sukladno Smjernicama za izradu programa ekonomskih reformi i preporukama OECD-a i Europske komisije.

Federalno ministarstvo financija će dostavljene prijedloge nadležnih ministarstava objediniti i usuglasiti s Direkcijom za ekonomsko planiranje, te za Vladu pripremiti finalnu verziju Programa ekonomskih reformi iz Federacije Bosne i Hercegovine do 15.12.2015. godine.

Kako je poznato, Bosna i Hercegovina je u obvezi izrade Programa ekonomskih reformi (ERP) za razdoblje 2016.-2018. godina koji, s jedne strane, sadrži srednjoročni makroekonomski i okvir fiskalne politike, uključujući i fiskalne mjere, a, s druge, sveobuhvatan program strukturalnih reformi s ciljem poboljšanja rasta i konkurentnosti zemlje.

ERP treba Europskoj komisiji biti dostavljen najkasnije do 31.01.2016. godine.

KONCEPT REFORME MIROVINSKOG SUSTAVA

Federalna vlada se upoznala s informacijom o radu međuresorne Radne skupine za izradu tekstova Zakona o mirovinskom i invalidskom osiguranju i Zakona o organizaciji mirovinskog i invalidskog osiguranja, te ocijenila da ponuđeni koncepti mogu biti dobar polazni temelj za izradu nacрта ovih zakona.

Među najbitnijim promjenama u odnosu na postojeći zakon, odnosno sustav mirovinskog i invalidskog osiguranja, jeste izmjena načina obračuna mirovinskog osnova kroz bodovni sustav. Predviđeno je i postupno povećavanje prijevremene starosne granice odlaska u mirovinu, pooštavanje uvjeta za invalidsku i porodičnu mirovinu i procesa za njihovo stjecanje.

Uz povećanje financijske discipline i obuhvata mirovinskim sustavom, planirano je uvođenje adekvatnih stopa doprinosa



za takozvani beneficirani radni staž.

Za provedbu mirovinske reforme u Federaciji BiH nisu potrebna dodatna financijska sredstva iznad predviđenih prihoda, odnosno doprinosa za mirovinsko osiguranje i obveznih transfera po osnovi posebnih propisa.

Upravo zbog činjenice što je u tijeku izrada novog teksta Zakona o mirovinskom i invalidskom osiguranju, Vlada Federacije BiH danas nije prihvatila inicijativu Institucije ombudsmana za ljudska prava Bosne i Hercegovine za dopunu članka 60. postojećeg Zakona o mirovinskom i invalidskom osiguranju, koja se odnosi na omogućavanje ostvarivanja prava na obiteljsku mirovinu i vanbračnom drugu.

INFORMACIJA AGENCIJE ZA PRIVATIZACIJU U FEDERACIJI BiH

Federalna vlada usvojila je informaciju Agencije za privatizaciju u Federaciji BiH (APF) o realizaciji zadataka na usklađivanju podataka u registrima društava iz Uredbe o vršenju ovlaštenja u privrednim društvima s učešćem državnog kapitala iz nadležnosti Federacije BiH.

APF je zadužena da, zajedno s nadležnim ministarstvom, analizira status i stanje pojedinih privrednih društava, te utvrdi i Vladi Federacije BiH predloži korigovanu Listu privrednih društava u kojima vrši ovlaštenja na osnovu državnog kapitala iz nadležnosti FBiH. Agencija je, također, obavezana da redovno prati i poduzima operativne mjere na okončanju obaveza usklađivanja podataka u sudskom registru poslovnih subjekata.

U informaciji je navedeno da je APF podnijela zahtjeve za usklađivanje podataka u Registru vrijednosnih papira u Federaciji BiH - upis Federacije BiH kao nespornog vlasnika državnog kapitala, a od privrednih društava zatražila da, u skladu sa odredbama Zakona o privrednim društvima FBiH, te Zakona o registraciji poslovnih subjekata u FBiH, podnesu registru društava zahtjeve za usklađivanje podataka u skladu s članom 18. Uredbe o vršenju ovlaštenja u ovim privrednim društvima.

Od ukupno 30 dioničkih društava, podaci u Registru vrijednosnih papira u Federaciji BiH - upis Federacije BiH kao vlasnika državnog kapitala, usklađeni su u njih 29.

U okviru izvještaja o izvršenom prijenosu vlasništva - usklađivanju podataka o vlasništvu, Registar vrijednosnih papira u Federaciji BiH, istaknut je problem tri društva: Sodaso-Holding d.d. Tuzla (u stečaju), Tvornica konfekcije „Borac” d.d. Banovići i Tvornica konfekcije „Borac” d.d. Zenica (okončan stečaj), koji su navedeni u zahtjevu APF-a, ali se ne nalaze na Listi privrednih društava u kojima Vlada Federacije BiH vrši ovlasti na osnovu državnog kapitala.

Kada je riječ o usklađivanju podataka u sudskom registru poslovnih subjekata, APF je zatražila podatke od sva 53 privredna društva - 30 dioničkih društava i 23 sa ograničenom odgovornošću. Iz povratnih informacija dostavljenih do 30.9.2015. godine, vidljivo je da su 22 privredna društva

izvršila traženo usklađivanje u sudskom registru poslovnih subjekata, jedanaest ih nije dostavilo informacije, dok je sedam privrednih društava podnijelo zahtjeve prema sudskom registru, a postupak usklađivanja je u toku.

Tri privredna društva tražila su uputstvo i/ili dokumentaciju od APF-a o usklađivanju podataka u sudskom registru poslovnih subjekata, a deset ih za neusklađivanje podataka kao razloge navode stav registra o nadležnosti za upis prava vlasništva, da nemaju dovoljno dokumenata za usklađivanje podataka, te da usklađivanje nije izvršeno zbog isteka mandata Nadzornog odbora.

PROŠLOGODIŠNJE POSLOVANJE PODUZEĆA U FBiH

Federalna vlada usvojila je 28.sjednici održanoj dana 22.10.2015.godine dokument "Analiza poslovanja poduzeća u Federaciji BiH u 2014. godini", u kojem je navedeno kako su ukupno ostvareni prihodi iznosili 39.925 milijuna KM, što je za 1,95 posto više nego u 2013. godini, dok su ukupni ostvareni rashodi viši za 1,8 posto.

Neto dobit je povećana za značajnih 10,27 posto u odnosu na godinu ranije, dok je iznos neto gubitka nakon oporezivanja na istoj razini. To se reflektiralo i na neto čistu dobit, koja je u 2014. godini iznosila 621 milijun KM, odnosno za 37,39 posto više nego 2013. godine.

Posmatrano po djelatnostima, najveća neto čista dobit u 2014. godini ostvarena je u trgovini (49,6 posto od ukupne ostvarene neto čiste dobiti poduzeća u FBiH) i veća je za 21,4 posto u odnosu na 2013. godinu. Slijedi prerađivačka industrije s udjelom od 34,2, te građevinarstvo s udjelom od 10,5 posto.

Najveći udio u ukupnom neto gubitku u FBiH u 2014. godini imalo je vađenje ruda i kamena s 49,3 posto, zatim snabdijevanje električnom energijom, gasom i vodom sa 17 posto, te zdravstveni i socijalni rad s 14,9 posto.

Za 2014. godinu je godišnja financijska izvješća predalo ukupno 20.736 poduzeća u FBiH, što je u odnosu na 2013. godinu više za 54, odnosno 0,26 posto. Broj zaposlenih iznosio je 298.299, odnosno 1.522 više nego u 2013. godini. Najveći broj poduzeća registriran je u Kantonu Sarajevo, gdje se nalazi njih 6.345, odnosno 30,6 posto od ukupnog broja u FBiH.

PRIJEDLOG ZA OSLOBAĐANJE RUDNIKA U FBiH OD PLAĆANJA PUTARINE ZA DIZEL GORIVO ZA 2016. GODINU

Federalna vlada utvrdila je 26.sjednici održanoj dana 07.10.2015.godine, Prijedlog Upravnom odboru Uprave za indirektno oporezivanje za oslobađanje rudnika u Federaciji BiH od plaćanja putarine za dizel gorivo za 2016. godinu u količinama namijenjenim za proizvodnju u ukupnom iznosu od 29.178.966 litara.

Na listi su ZD Rudnici „Kreka” d.o.o. Tuzla s 2.598.966 li-



tara godišnje, Rudnik mrkog uglja „Đurđevik“ d.o.o. Đurđevik s 4.310.000, Rudnik mrkog uglja „Kakanj“ d.o.o. Kakanj s 5.500.000, Rudnik mrkog ugljena „Zenica“ d.o.o. Zenica s 280.000, Rudnik mrkog uglja „Breza“ d.o.o. Breza s 820.000, Rudnik mrkog uglja „Abid Lolić“ d.o.o. Travnik - Bila s 150.000, Rudnik uglja „Gračanica“ d.o.o. Gornji Vakuf - Uskoplje s 625.000, Rudnici mrkog uglja „Banovići“ d.d. Banovići s 14.400.000, Rudnici boksita d.o.o. Široki Brijeg s 120.000, „Rudnici boksita“ d.o.o. Posušje s 300.000 i „Rudnici boksita Jajce“ o.d.d. Jajce s 75.000 litara godišnje.

Razlozi za donošenje ove odluke su zahtjevi rudnika uglja i boksita proistekli iz utvrđene zakonske mogućnosti za oslobođanja od plaćanja putarine, a i iz činjenice da rudnici u proizvodnji uglja i otkrivke troše određene količine dizel goriva, te da će oslobođanje od putarine imati pozitivne efekte na poslovanje rudnika koji svoju djelatnost od općeg interesa obavljaju u izuzetno složenim uslovima.

Na proizvodnji uglja u jamskoj i površinskoj eksploataciji temelji se dugoročni bilans energetske potreba Federacije BiH, odnosno proizvodnja električne energije, jer od ukupne godišnje proizvodnje oko 80 posto uglja rudnici u Federaciji BiH isporučuje JP Elektroprivreda BiH d.d. Sarajevo, odnosno termoelektranama u Kaknju i Tuzli.

PODRŠKA INICIJATIVAMA

Vlada FBiH je na 26.sjednici održanoj dana 07.10.2015. godine upoznata s informacijom o kreditnom zahtjevu JP Autoceste Federacije BiH d.o.o. Mostar za Koridor Vc, te podržala inicijativu da kreditnim zaduženjem kod Kuvajtskog fonda za arapski ekonomski razvoj (KFAER) budu osigurana sredstva za realizaciju projekta na poddionici Klopče - Donja Gračanica u iznosu do 50 miliona eura.

Uvjet je da efektivnost kredita bude vezana za uvođenje dodatne akcize na naftne derivate od 0,10 KM/litar kako bi bila osigurana dugoročna održivost duga JP Autoceste Federacije BiH i ublaženi rizici po proračun Federacije BiH.

Vlada je danas ocijenila da je informacija o ovom kreditu dobra osnova za vođenje pregovora, te zadužila Federalno ministarstvo finansija, Federalno ministarstvo prometa i komunikacija i Autoceste Federacije BiH da u tim za pregovore imenuju svoje ovlaštene predstavnike. Konačna odluka o zaduženju bit će donesena po okončanju pregovora, a krajnji dužnik po ovom kreditnom zaduženju bit će Autoceste FBiH. Federalno ministarstvo finansija će Vladi podnijeti informaciju o pregovorima i tekst usaglašenog ugovora između Bosne i Hercegovine i KFAER-a. Ovo ministarstvo će današnje zaključke dostaviti Ministarstvu finansija i trezora BiH radi provođenja dalje procedure u vezi s kreditnim zaduženjem.

Vlada je podržala i inicijativu da za Projekt Koridor Vc - na poddionici Buna - Počitelj i poddionici Donja Gračanica - Tunel Pečulj (Zenica Sjever) budu osigurana kreditna sredstva kod Evropske banke za obnovu i razvoj (EBRD) u izno-

su do 60 miliona eura, također, pod uvjetom da efektivnost kredita bude vezana za uvođenje dodatne akcize na naftne derivate.

INFORMACIJA O PRIMJENI ZAKONA O STVARNIM PRAVIMA

Vlada FBiH usvojila je na 26.sjednici održanoj dana 07.10.2015.godine informaciju Federalnog ministarstva pravde o primjeni Zakona o stvarnim pravima i potrebi harmonizacije s njim svih zakona i podzakonskih propisa koji uređuju pravo vlasništva i druga stvarna prava.

Kako je danas zaključeno, u roku od mjesec dana bit će formirano stručno radno tijelo Vlade Federacije BiH sačinjeno od predstavnika svih federalnih ministarstava, Federalne uprave za geodetske i imovinsko-pravne poslove, Federalnog pravobranilaštva i akademske zajednice u Federaciji BiH iz građansko-pravne oblasti.

Zadatak ovog radnog tijela je da detaljno analizira Zakon o stvarnim pravima, uz sagledavanje problema koji su se pojavili u njegovoj dosadašnjoj primjeni, kao i druge zakonske propise čija je primjena uslovljena Zakonom o stvarnim pravima. Nakon toga će Vladi Federacije BiH dostaviti informaciju o tome koji zakoni i podzakonski propisi moraju biti usaglašeni sa Zakonom o stvarnim pravima i o eventualnoj potrebi za izmjenama i dopunama ovog zakona, a radi harmonizacije propisa iz imovinsko-pravne oblasti.

SAGLASNOST NA ODLUKU O SMANJENJU VELEPRODAJNE CIJENE PRIRODNOG GASA

Federalna vlada je na 25.sjednici održanoj 05.10.2015.godine dala saglasnost na Odluku Nadzornog odbora „BH-Gasa“ d.o.o. Sarajevo od 31.8.2015. godine, na osnovu koje veleprodajna cijena prirodnog gasa za distributivna privredna društva na području Federacije BiH, počevši od 1.10.2015. godine, iznosi 640 KM za 1.000 standardnih metara kubnih, odnosno 0,640 KM/Sm³. U ovu cijenu nije uračunat porez na dodanu vrijednost. Dosadašnja veleprodajna cijena, koja je bila na snazi od 4.9.2013. godine, iznosila je 754 KM/1.000 Sm³.

Odluku je Vlada donijela nakon što se Privredno društvo za proizvodnju i transport gasa „BH-Gas“ d.o.o. Sarajevo obratilo zahtjevom za davanje saglasnosti na promjenu veleprodajne cijene prirodnog gasa, umanjenu za 15,12 posto u odnosu na dosadašnju. Federalno ministarstvo energije, rudarstva i industrije dalo je pozitivno mišljenje na ovaj zahtjev, a Federalno ministarstvo trgovine je Vladi Federacije BiH predložilo davanje saglasnosti za promjenu veleprodajne cijene prirodnog gasa.

Nabavna cijena gasa ruskog isporučioaca formira se za svaki kvartal u godini na bazi prethodnog devetomjesečnog prosjeka kretanja svjetske cijene mazuta i dizel goriva. Tek su se za četvrti kvartal ove godine stekli uslovi za smanjenje pro-



dajne cijene.

Kako je obrazloženo, uslovi koji su doveli do mogućnosti sniženja cijena u četvrtom kvartalu su očekivano sniženje cijene ruskog gasa i potpisan aneks na ugovor o njegovom transportu kroz Mađarsku, čime je snižena transportna taksa.

IZMJENE PROGRAMA UTROŠKA SREDSTAVA OD GSM LICENCE

Vlada FBiH je 24.sjednici održanoj 01.10.2015.godine donijela Odluku o izmjeni Programa utroška Kapitalnog transfera Cesta FBiH d.o.o. Sarajevo (sredstva od GSM licence) za 2013.

Izmjenama su preusmjerena preostala neinvestirana sredstva iz postojećih programa investiranja sredstava GSM licence na nove projekte. Ovim je omogućena učinkovita realizacija odobrenih projekata, odnosno izravno pomaganje razvoju regionalne i lokalne cestovne infrastrukture.

Temeljem današnje Odluke, na Listu odobrenih projekata ušle su sanacije cesta u općinama Stolac (vrijednost 80.000 KM) i Čitluk (60.000 KM).

Uvjet za realizaciju odobrenih projekata je dostava dokumentacije o izvedenim radovima koja je propisana usvojenom Metodologijom o načinu implementacije sredstava naplaćenih izdavanjem GSM licence za FBiH.

O NAMJENSKOJ INDUSTRIJI FBiH

Vlada FBiH usvojila je 24.sjednici održanoj 01.10.2015.godine Izvještaj Federalnog ministarstva energije, rudarstva i industrije o poslovanju privrednih društava namjenske industrije u FBiH za prošlu godinu.

Nakon sveobuhvatne analize, konstatovano je da ova privredna društva vrlo rijetko mogu dobiti kredite kod komercijalnih banaka, te je zaključeno da će Vlada FBiH sagledati mogućnost iznalaženja sredstava za razvojne projekte iz oblasti namjenske industrije i podrške izvoznim poslovima.

Također, potrebno je ubrzati proceduru donošenja zakonskog propisa kojim će biti regulisano izmirenje obaveza za uvezivanja radnog staža, između ostalog, i radnicima u privrednim društvima namjenske industrije s većinskim državnim kapitalom u FBiH, jer one čine bitnu stavku u ukupnim dugovanjima.

Vlada je zadužila nadzorne odbore i uprave BNT-TMiH d.d. Novi Travnik i PS „Vitezit“ d.o.o. Vitez da, u što kraćem roku, organiziraju održavanje skupština društava u skladu sa Zakonom o privrednim društvima, na kojima će obavezno biti razmatrani izvještaji za prošlu godinu.

Zaduženi su Komisija za vrijednosne papire FBiH, Agencija za privatizaciju u FBiH i Federalno ministarstvo energije, rudarstva i industrije da sagledaju procedure koje proističu iz odgovarajućih zakona i, po potrebi, predlože njihove izmjene koje će omogućiti realizaciju projekta dokapitalizacije privrednih društava namjenske industrije s većinskim državnim kapitalom.

nim kapitalom.

Vlada je zadužila Federalno ministarstvo energije, rudarstva i industrije da i dalje prati i analizira stanje u namjenskoj industriji i, po potrebi, predlaže mjere i aktivnosti kako bi ova oblast u potpunosti bila uređena.

Danas je zaključeno da treba valorizovati sva dosadašnja ulaganja Vlade FBiH u namjensku industriju, po bilo kojem osnovu, te, na taj način, povećati učešće državnog kapitala u ovim kompanijama.

Ubuduće, podupiranje ove industrije može ići samo kroz dokapitalizaciju, zaključila je Vlada.

PLAN FEDERALNE UPRAVE ZA INSPEKCIJSKE POSLOVE ZA 2015.

Vlada FBiH dala je 24.sjednici održanoj 01.10.2015.godine saglasnost na Plan rada Federalne uprave za inspeksijske poslove za 2015. godinu.

Među brojnim aktivnostima Uprave su sprječavanje širenja zaraznih bolesti, djelovanje u slučaju incidenata sa uticajima na život i zdravlje ljudi i životinja i uticajima na okoliš, kao i sprječavanje nelegalnog prometa roba i usluga.

Pooštrene su kontrole uvoza proizvoda biljnog porijekla, te namirnica za ishranu ljudi i životinja, postupka fiskalizacije, a inspektori su angažovani na zaštiti prava intelektualnog vlasništva i zaštiti potrošača na tržištu FBiH i u bankarskom sektoru.

Pažnja je usmjerena i na sprječavanje nezakonitog vršenja djelatnosti, rada na crno, nezakonite gradnje objekata, u blizini zaštićenih ekoloških i područja kulturno-historijskog naslijeđa, sive ekonomije i korupcije, i tako dalje.

O PROJEKTU ISTRAŽIVANJA NAFTE I PLINA

Vlada FBiH je 24.sjednici održanoj 01.10.2015.godine raspravljala o aktivnostima koje se odnose na realizaciju Projekta istraživanja nafte i plina u Federaciji BiH.

U novembru 2011. godine Vlada FBiH je potpisala Memorandum o razumijevanju s naftnom kompanijom Shell Exploration Company B.V. - s registrovanim sjedištem u Hagu (Kraljevina Holandija), na period od 24 mjeseca.

Memorandumom je predviđeno da će, na osnovu postojeće pisane dokumentacije o izvedenim istražnim radovima, Shell Exploration Company B.V. o vlastitom trošku izvršiti digitalizaciju geoloških i geofizičkih podataka, izraditi početni geološki i geofizički prikaz (screen) podataka i strukturnu rekonstrukciju tektonskog vijenca koristeći savremene alate, tehnologiju i ispitivanje, kako bi bili dobijeni osnovni podaci za procjenu perspektivnosti ležišta u Federaciji Bosne i Hercegovine.

Na osnovu raspoloživih podataka, analiza i stručne interpretacije rezultata dobijenih ranijim istraživanjima, naftna kompanija Shell Exploration Company B.V. je izradila „Procjenu perspektivnosti Federacije BiH za istraživanje nafte i plina“,



koju je dostavila Vladi Federacije BiH u 2013. godini.

Shell Exploration Company iskazala je zainteresovanost za produženje Memoranduma o razumijevanju u cilju pregovaranja s Vladom Federacije BiH za pribavljanje koncesije za istraživanje i eksploataciju nafte i plina na prostoru Federacije BiH. Memorandum je produžen u 2013. i 2014. godini s trajanjem do novembra 2015. godine.

Naftna kompanija Shell Exploration Company je 22.9.2015. godine dostavila obavijest da ne žele iskoristiti mogućnost produženja Memoranduma o razumijevanju iz razloga revizije i analize internog portofolija, a pod uticajem trenutnog stanja tržišta nafte i plina. Odluka je donesena prvenstveno na osnovu njihove svjetske procjene portofolija, a ne na osnovu procjene o perspektivnosti područja Federacije BiH.

U dostavljenom obrazloženju navedeno je da Vlada Federacije BiH može za svoje potrebe koristiti dostavljeni izvještaj o procjeni perspektivnosti područja Federacije BiH, a da će se Shell Exploration Company pridržavati obaveza povjerljivosti navedenih u Memorandumu o razumijevanju. Također, u obrazloženju se Shell Exploration Company zahvaljuje na saradničkom pristupu, doprinosu i stručnosti učesnika u projektu iz Federalnog ministarstva energije, rudarstva i industrije i Federalnog zavoda za geologiju, koji su pomogli da budu urađeni procjena perspektivnosti i izvještaj o geologiji Federacije BiH, a koji su doprinijeli boljoj slici o poslovnom okruženju Federacije BiH.

Vlada Federacije BiH će nastaviti implementaciju Projekta istraživanja nafte i plina u Federaciji BiH.

USVOJEN NACRT STRATEGIJE UPRAVLJANJA DUGOM

Vlada FBiH je, na 24.sjednici održanoj 23.09.2015.godine u Sarajevu, usvojila Nacrt strategije upravljanja dugom za period 2016.-2018. i zadužila Federalno ministarstvo finansija da ovaj dokument dostavi Centralnoj banci BiH i Ministarstvu finansija i trezora BiH na komentare i mišljenje.

Nakon dobijenih komentara i mišljenja, Federalno ministarstvo finansija će pripremiti i Vladi FBiH dostaviti na usvajanje Prijedlog strategije.

Upravljanje vladinim dugom je proces čiji su ciljevi prikupljanje potrebnog iznosa finansijskih sredstava, ispunjavanje ciljeva vezanih za rizik i troškove, kao i ispunjavanje svih ostalih ciljeva upravljanja dugom koje Vlada utvrdi, kao što su razvoj i održavanje efikasnog domaćeg tržišta za vladine vrijednosne papire. Srednjoročna strategija upravljanja dugom operacionalizira te ciljeve i predstavlja plan kojeg Vlada namjerava implementirati u srednjoročnom periodu kako bi postigla željenu strukturu portofolija svog duga koja odražava njene preference u smislu balansa između troškova i rizika. Strategija predstavlja sažetak glavnih načela i smjernica za politike upravljanja dugom Vlade FBiH u trogodišnjem periodu. Pripremljena je u skladu sa smjernicama Međunarodnog monetarnog fonda i Svjetske banke i međunarodnim dobrim

praksama. Uz uvažavanje uticaja i ograničenja iz vanjskog i domaćeg makroekonomskog okruženja i druge potencijalne rizike, Strategija opisuje planove finansiranja vladinog duga u narednim godinama, te indikativne mjere i alate koje će koristiti za dostizanje usvojenih strateških ciljeva.

U dokumentu su predstavljeni zakonodavni i institucionalni okvir za upravljanje dugom Vlade Federacije BiH, te ciljevi i obuhvat Strategije.

Opisana je i struktura portofolija duga, te su identificirani ključni faktori rizika koji su svojstveni postojećem portfoliju duga Vlade FBiH. Ukupan dug Vlade FBiH na kraju 2014. godine iznosio je 34,03 posto u odnosu na BDP FBiH. U makroekonomskom okviru predstavljena je makroekonomska situacija u FBiH, BiH i zemljama u okruženju, te opisana očekivanja i trendovi u narednom periodu. Strategija se temelji na pretpostavkama datim u Dokumentu okvirnog budžeta 2016.-2018., Budžetu FBiH za 2015. godinu, te Programu javnih investicija FBiH 2015.-2017.

U Nacrtu strategije su navedeni glavni izvori sredstava dostupni Vladi FBiH u narednom periodu, uključujući njihove osnovne karakteristike, ograničenja i rizike. Slijedom toga, date su i smjernice za upravljanje dugom Vlade FBiH, uključujući i glavne strateške ciljeve koji su postavljeni u narednom periodu. Dat je i kratak pregled mjera koje treba poduzeti za ostvarivanje postavljenih ciljeva.

U dokumentu su označene aktivnosti koje će biti provedene s ciljem implementacije Strategije i koje podrazumijevaju unaprjeđenja i poboljšanja komunikacije sa učesnicima na tržištu, te dokumente i ključne informacije vezane za dug i zaduživanje koji će biti objavljavani na web stranici Federalnog ministarstva finansija. Objavljivanje ovih dokumenta i njihova dostupnost široj javnosti predstavlja ključni faktor u osiguranju transparentnosti upravljanja javnim dugom i daljem unaprjeđenju komunikacije s kreditorima i investitorima u vrijednosne papire FBiH.

Kako bi bila osigurana dosljednost s vladinim politikama, Strategija će biti revidirana i ažurirana svake godine, u okviru budžetskog procesa, a po potrebi i češće ukoliko dođe do značajnijih promjena na tržištu.





IZUZIMANJE ZEMLJIŠTA ZA POTREBE GRAĐENJA AUTOCESTE

Vlada FBiH je 24.sjednici održanoj 23.09.2015.godine donijela Odluku o izuzimanju poljoprivrednog i šumskog zemljišta i mijenjanju njegove namjene u građevinsko za potrebu građenja autoceste na Koridoru Vc, dionica Mostar jug - Južna granica, poddionica Počitelj - Zvirovići. Odluka se odnosi na 583.943 m² poljoprivrednog i 332.212 m² šumskog zemljišta.

Ovakva odluka bila je nužna jer je Zakonom o građevinskom zemljištu i Zakonom o prostornom planiranju i korištenju zemljišta na razini FBiH definirana izgradnja samo na uređenom građevinskom zemljištu. Kako je, u ovom slučaju, riječ o zemljištu van urbanog područja, odnosno poljoprivrednom i šumskom, trebala je njegova promjena u građevinsko.

Kako je poznato, Vlada FBiH je Odlukom od 11.3.2013. godine utvrdila javni interes za izgradnju autoceste na trasi Koridora Vc za dionicu Vlakovo - Tarčin, Svilaj - Odžak i Počitelj - Bijača, a poddionica Počitelj - Zvirovići je usuglašena s prostorno-planskom dokumentacijom koju je utvrdio Parlament BiH.

Ujedno, Općina Čapljina je potvrdila da se trasa autoceste na poddionici koridorski poklapa s trasom ucrtanom u Prostornom planu ove općine za razdoblje 2010. do 2020. godina.

Sredstva za provedbu ove odluke bit će osigurana iz prihoda JP Autoceste Federacije BiH ostvarenog naplatom cestarine na izgrađenim dionicama autoceste na trasi Koridora Vc i od cestarine (akciza na gorivo) za autoceste.

PRIJEDLOG UPRAVNOM ODBORU UPRAVE ZA INDIREKTNO OPOREZIVANJE

Vlada FBiH je 24.sjednici održanoj 23.09.2015.godine donijela Odluku kojom utvrđuje Prijedlog Upravnom odboru Uprave za indirektno oporezivanje za oslobađanje JP Željeznice Federacije BiH d.o.o. Sarajevo od plaćanja putarine za 3.428.391 litar dizel goriva koje se koristi za pogon šinskih vozila za 2016. godinu.

Odluka je donesena nakon podnošenja zahtjeva Željeznica FBiH po kojem planske potrebe za dizel gorivom u slijedećoj godini iznose 3.428.391 litara. No, analiza utroška nafte po godinama, kao i planiranih rashoda i obima posla, rezultirala je utvrđivanjem potrebne količine od 3.428.391 litra za šinska vozila za koju je u 2016. godini zatraženo oslobađanje od plaćanja putarine.

O ŠUMAMA HERCEG-BOSNE I BOSANSKOHERCEGOVAČKIM ŠUMAMA

Na 24.sjednici održanoj 23.09.2015.godine sjednici Vlade FBiH je usvojena informacija Federalnog ministarstva poljoprivrede, vodoprivrede i šumarstva o stanju i statusu JP Šume Herceg-Bosne d.o.o. Mostar i JP Bosanskohercegovač-

ke šume Sarajevo.

Vlada je zadužila Šume Herceg-Bosne da Federalnom ministarstvu poljoprivrede, vodoprivrede i šumarstva dostave popis imovine preduzeća i izvještaj o preduzetim aktivnostima na njenoj zaštiti, a organ ovlašten za zastupanje ovog javnog preduzeća zadužen je da podnese prijedlog za otvaranje stečajnog postupka.

Federalno pravobranilaštvo će, u saradnji s resornim Federalnim ministarstvom, uputiti obavijest nadležnim općinskim sudovima na području Hercegovačko-neretvanskog kantona da u postupku namirenja potraživanja uposlenika preduzeća iz oblasti šumarstva poduzimaju zakonom određene mjere na zaštiti šuma i šumskog zemljišta u vlasništvu države.

Vlada Federacije BiH će Vijeća ministara BiH uputiti yahtjev da upravljanje nad JP Bosanskohercegovačke šume prenese na Federaciju BiH.

Od šumarskih inspektora Federalne uprave za inspekcijske poslove Vlada je zatražila informaciju o mjerama poduzetim iz njene nadležnosti na sprječavanju nelegalne sječe šuma.

Vlada je zadužila Federalno ministarstvo finansija da za prvu narednu sjednicu pripremi prijedlog odluke o odobravanju izdvajanja sredstava iz Tekuće rezerve Budžeta FBiH za 2015. godinu Federalnom ministarstvu poljoprivrede, vodoprivrede i šumarstva radi plaćanja troškova registracije osobe ovlaštene za zastupanje JP Šume Herceg-Bosne d.o.o. Mostar.



IZMJENA ODLUKE O OSNIVANJU PRIVREDNOG DRUŠTVA "INTERA"

Vlada FBiH je na 24.sjednici održanoj 23.09.2015.godine izmijenila Odluku o osnivanju privrednog društva "Intera" industrija, tehnologija i razvoj d.o.o. Sarajevo, od 3.9.2015. godine.

Izmjena se sastoji u promjeni naziva „Intera“ nazivom „Interas“, budući da firma pod nazivom „Intera“ već postoji. Također, izmjenama su u članu 6. u stavu 2. brisane riječi "iz pasivnog podbilansa".

Izvor: www.fbihvlada.gov.ba
Pripremila: Amela Kečo



Službeni list EU

Službeni list Evropske unije (Official Journal of the EU) najvažniji je izvor informacija o aktivnostima svih institucija i tijela Unije, te izvor primarnog, sekundarnog i dodatnog prava i sporazuma s trećim zemljama. Službeni list izdaje Ured za službene publikacije (Publications Office) svakodnevno na 23 službena jezika Unije i to u tri serije: L, C i S.

Elektronska verzija Službenog lista Evropske unije postala je od 1.07.2013. godine pravno valjana slijedom odredaba Uredbe br. 216/2013 koju je Vijeće EU usvojilo 7.03.2013. godine a koja je zatim objavljena u Službenom listu EU L 69 od 13.03.2013. godine.

Nakon stupanja Lisabonskog ugovora na snagu struktura Službenog lista EU donekle je izmijenjena.

Službeni list serije L (legislation)

U Službenom listu serije L objavljuju se pravni akti sekundarnog zakonodavstva što su slijedom odredaba iz Člana 297 UFEU (176. stranica Ugovora o funkcioniranju EU) svrstani u sljedeće rubrike:

L I: Zakonodavni akti

L II: Nezakonodavni akti

L III: Ostali akti

L IV: Akti usvojeni prije 1.12.2009. godine u okviru Ugovora o EZ-u, Ugovora o Evropskoj uniji i Ugovora o Euratomu

Rubrika Zakonodavni akti sadrži uredbe, direktive, odluke i budžet, upravo tim redom. Zbunjujuće je što i rubrika Nezakonodavni akti također uključuje specifičnu vrstu uredaba, direktiva i odluka, te međunarodne spo-

razume, preporuke, smjernice, pravilnike i akte koje su usvojila tijela nastala sklapanjem međunarodnih sporazuma. Pored promjena u rasporedu i prezentaciji i dalje su tri najvažnije vrste akata: uredbe, direktive i odluke:

Uredbe (regulations). Direktno su primjenjive i obavezujuće u svim svojim dijelovima za sve države članice te ih nije potrebno posebnim mjerama inkorporirati u nacionalno zakonodavstvo. Datum od kojeg uredba postaje primjenjiva naznačen je u njenom tekstu, a to je najčešće, iako ne isključivo, 20 dana od dana objavljivanja u Službenom listu.

Direktive (directives). Obavezuju države članice na provedbu postavljenog cilja a državi članici ostavljaju slobodu izbora načina i sredstva koje će upotrijebiti kako bi postigla zadani cilj. U praksi su direktive vrlo precizne, pa državi članici ostavljaju vrlo malo manevarskog prostora. Uvid u stanje provedbe direktiva u državama članicama može se dobiti na stranici Glavnog sekretarijata Evropske komisije. Na kraju teksta svake direktive (prije eventualnih aneksa) nalazi se i datum do kada države članice moraju implementirati odredbe direktive u svoje pravne sisteme.

Odluke Komisije ili Vijeća (decisions). Obavezujuće su u svim aspektima za one na koje se odnose, a to mogu biti pojedine države članice, firme ili osobe.

Akti koji se odnose na pitanja vezana uz poljoprivrednu politiku ili carinsku uniju i koji su važeći samo tokom kratkog perioda štampani su blijedim slovima, dok su svi drugi akti u kurzivu i njihovom naslovu prethodi zvjezdica.

Službeni list serije C

I serija C Službenog lista EU (čiji naziv dolazi od francuskog *communication*) doživjela je slične promjene kao i serija L, pa se sada sastoji od pet glavnih rubrika:

CI: Rezolucije, preporuke, mišljenja

CII: Obavijesti (međunarodni sporazumi, zajedničke deklaracije, obavijesti institucija i tijela, te agencija)

C III: Pripremni akti

C IV: Oglasi (Notices) (uključujući tečajnu listu za euro)

C V: Najave (Announcements) (uključujući pozive na natječaje)

Evropska komisija u toj seriji objavljuje prijave namjere provedbe koncentracije, a Evropski sud popis novih predmeta i odluka te operativne dijelove presuda. Revizijski sud objavljuje svoj godišnji izvještaj kao i posebne izvještaje koji se odnose na pojedine aspekte politika EU. U posebnom izdanju serije C označenom slovom A objavljuju se natječaji za popunu radnih mjesta u institucijama Unije (npr. OJ C 53 A, 2010) i katalog raznolikosti biljnih vrsta i njegove nadopune (Common catalogue of varieties of vegetable species), (primjerice OJ C 12 A, 2010).

Zbog rastućeg obima printanog materijala i s tim vezanih troškova, Ured za publikacije odlučio je 1999. godine pokrenuti novu – isključivo elektronsku seriju Službenog lista pod kraticom OJ CE te u nju iz serije C prebaciti određene kategorije tekstova i tako smanjiti troškove štampe. Postepeno su se u seriji CE (dostupnoj isključivo u bazi podataka EUR-Lex ili na CD ROM-u) počeli objavljivati zakonodavni prijedlozi, zapisnici sa sjednica Evropskog parlamenta, pisana pitanja i odgovori, kao i zajednički stavovi Vijeća u zakonodavnom postupku. Radi olakšavanja pristupa papirnom izdanju Službenog lista i zakonodavstvu Evropske unije, Ured za publikacije pokrenuo je 1980. godine publikaciju pod nazivom Direktorij važećeg zakonodavstva (Directory of Community legislation in force and other acts of the Community institutions), prvo kao godišnje, a kasnije kao polugodišnje izdanje



(objavljivano u junu i decembru) u dva dijela. Prvi dio (Analytical Register) donosio je popis svih važećih pravnih akata razvrstanih u 20 tematskih oblasti, dok je drugi dio (Chronological/Alphabetical index) kroz numerički pregled važećih pravnih akata (koristeći njihove CELEX brojeve) omogućavao pronalaženje referenci na Službeni list. Direktorij u papirnom izdanju ukinut je 2004. godine, te je od tada dostupan isključivo u elektronskom obliku u bazi podataka EUR-Lex.

Službeni list serije S (Supplement to the Official Journal of the European Union)

U seriji S Službenog lista (Supplement to the OJ) objavljuju se pozivi na javne radove ili nabavke u skladu s direktivama o javnim nabavkama. Do 1998. godine ta je serija izlazila u papirnom izdanju, no od 1998. dostupna je isključivo u elektronskom obliku – na CD ROM-u ili putem interneta u bazi podataka TED (Tenders Electronic Daily).

U seriji S svakodnevno se objavljuje više od 1000 tendera, a godišnji ugovori za javne radove i nabavke vrijedni su više od 500 milijardi eura.



Izvor: www.europa.eu
Pripremila: L.Sadiković

bh proizvod



Posebna ponuda finansiranja



ZAJEDNO MOŽEMO VIŠE

jedinstveno drugačiji!

ZA VIŠE INFORMACIJA

Posjetite najbližu poslovnicu BBI banke ili nazovite na besplatni info telefon:



www.prenesiplatu.ba

besplatni info telefon

0800 200 20



YouTube



Svim našim članicama i
poslovnim partnerima
želimo sretnu i uspješnu
2016.godinu.

Vaša



PRIVREDNA/GOSPODARSKA KOMORA
FEDERACIJE BOSNE I HERCEGOVINE

CHAMBER OF ECONOMY OF THE FEDERATION OF BOSNIA AND HERZEGOVINA